

LINEO TSA MOLIMO LI FUMANA

MALULO A TSONA KA MEHLA

Kea u leboha, Moena Neville. [Moena Neville o re, "Molimo a u hlohonolofatse, moena."—Mohl.] Morena a u hlohonolofatse, moena.

Lumelang mantsiboea, metsoalle. Ke sa tsoa kena, nakoana e fetileng, 'me ka hopola ho theoha ho le lakaletsa bohle "Maseho a Keresemose."

² 'Me ha kea tseba ke tla fuoa monyetla o bohlokoa ona oa ho bua le lōna ka Lentsoe la Morena. 'Me Moena Neville o nkopile, 'me ke bolokile litherō tse 'maloa tsa Keresemose tseo nkileng ka li sebelisa, e 'ngoe ea tsona mane—mane Phoenix le tlase Tucson, libakeng tse fapaneng tikolohong eo, molaetsa oa tloaelo feela oa Keresemose. 'Me ka nahana, bosiung bona, ke tla bua ka nthoana mona eo Morena a e behileng kelellong ea ka nakoana e fetileng, ke le holimo koana Colorado.

³ 'Me ke ne ke hopotse nthoana nakong ea Keresemose, 'me ke ngoapile linthoana tse hlano kapa tse tšeleta mona, Mangolo le lintho. Eona...ha ke...Kea kholoa Moena Neville le bareri bohle ba etsa joalo. Uena...ekare ntho e a u fihlela, 'me u e ngoapa fatše. U ema nakoana, 'me o e ngola fatše. Ke e ngola leqepheng la pampiri, leqepheng la pampiri feela. E re ha ke bitsoa nako e 'ngoe, ke sheba morao mona ke re, "Ebe ke chabetsoe ke'ng?" Ho joalo, ha re bitsoa ka potlako ruri, ua tseba.

⁴ Mehleng, ke...ha ke sa le mocha, ke ne ke khona feela... kelello ea ka e tletse, nka e nahana hona joale, ke sa lokela ho ema, ke nahane "Ke matsatsi a leshome a fetileng koana, tulong e itseng. Ke eona therō eo. Ke ena, 'me ke ena e tloha."

⁵ Ua tseba, hoba ke fete matšao a 'maloa, Moena Higginbotham, le ho tšela linoka tse 'maloa, ha e sa fihla ka mokhoa oo feela, e fihla holingoana tseleng. Empa e...joaloka Moena Neville ha a buile, nakoana e fetileng, "Re ntse re atamela, re atamela Lapeng."

⁶ Ho monate ho khutlela lapeng. Ke, ha ke khutla, khele, lehloa le khethelile haholo. 'Me ho na le... 'me ke utloetse ka likotsi le lintho, tse ngata hakana tseleng, 'me batho ba shoele. 'Me le nahane ka makholo a tla lahleheloa ke maphelo a bona joale, lipakeng tsa bosiung bona le ka mora Selemo se Secha, ho tla shoa Maamerika a makae! 'Me ua tseba, ba bang ba rōna ba ka mona hantle, bosiung bona. 'Me e itšetlehile ka hona joale, ntho eo...maemo a rōna pel'a Molimo. Ke sechaba se haulang, moena enoa o buile, hohle ke masoabi. 'Me folaga ea

rōna esale e leketla, matsatsi a mashome a mararō, bohareng ba thupa, tsohle ka baka la sebe le ka baka la batho ba sa amoheleng tsela ea Molimo ea—ea—ea lintho.

7 Leha re hanana le motho, haeba re sa etse ka boena, 'me hape... Ua bona, ha Kreste a lutse pelōng, ho sa tsotolehe kamoo u hananang le motho, u sa tlameha ho mo rata le ka hlompho. Ke hanana le banna ba bangata, hangata. Empa le joale, ha ke e-so bone eo ke hananang le eèna ke sa mo nke hoo "nka mo kopelang ka sephaka ka mo bitsa 'moena oa ka,' ho leka ho mo thusa ka bokhoni ba ka." Ke hanana le eèna hobane ke hopola hore ka ho hanana a ka... Seo a se lumelang, nka tšoha ke sa lumele joaloka eèna, empa... le joalo-joalo, empa joale nka leka ho mo takela tsela ea ka joaloka eèna ha a leka ho ntakela ea hae, le ho li kopanya le ho li phophotha ho bona seo re se tšoereng, empa ho hanana joalo. Leha e ka fihlela eng... ha rea tlameha ho halefa kapa ra leka ho khopisa, kapa ho senya kapa ntho efe. Ka mehla re leke ho haha.

8 Mona ho hlile ho a bata, ha ke re? E ne e le mashome a supileng a metso e 'meli ha ke tloha Tucson, eare ha letsatsi le likela 'me ho fifala, e sa ntse le mashome a tšeletseng a metso e robong. Ka hona, le ho khutlela holimo mona, ke tlakasela feela, ua tseba. Ke... Tsela eo eohle e lehloa, tlasa ntlha ea khoamo, le leqhoa le ntho eohle, ke ile ka tlameha ho e tloaela hape. Ho a makatsa ha u khona ho "tloaela" nakoana e—e kana. 'Me esale ke le siea, ha kea fumana le monyetla oa ho pompuoa. Ke tšoeroe ke... ho kang disaenase ka hara—ka hara boso bona, 'me ha ke hola... 'Me ke hlahetse mona 'me ke holetse mona. Empa ka nako, ua bona, ha u le mocha, u na le ntho e itseng, u ka e qhela; empa ha u hola, khele, u qala u fumana ntho eo e sa hhole e le teng. E ne e le teng, u ne u ka e lebala feela. Uena... ntho e teng mono feela e—e sa loaneng joaloka mohla bongoana ba hao, ka hona ke fumana ho le joalo ho re... tlelaemetse e mofuthu eo, ho monna oa leqheku, e hlile e a thusa.

9 Ke sa hopola ke theoha Sehlaba sa Utica holimo mono, bongoaneng (oa lilemo tse supileng, robeli, leshome, leshome le metso e 'meli, leshome le metso e mene), ka ntle ho lieta (lieta tsa thenese) 'me mohatsela e le robeli kapa leshome tlasa ntlha ea khoamo, ka lieta tsa thenese, menoana e hlahetse kantle ho tsona. 'Me ho se... joale ha ho tšoane le ho theoha ka seterata mona, empa ho fohra lehloa. Ha ho makoloi a theohang, tselana ea koloi e ka hlahang ka nako. Ho theoha ka 'mila oo hoseng, ka jasana ea khale, ho sa aparoa hempe, 'me e qhoaetsoe *tjenana*, ke batla ke apere sa hona joale; ke kolobile tee ho fihra mangoleng, ho kenella feela u sa tsotelle. Ua bona, u sa tšoaroe ke sefuba sa letho. Empa mono e batla e le lilemo tse mashome a mane a metso e mehlano tse fetileng. Ka hona, ho fokotsehile haholo, dimaele li phaellane 'me tšupa-maele e nyolohile, ua tseba, ha re sa e mamella sa mehleng.

¹⁰ Ke bone Moena Capps a phahamisa hlooho ea hae. U sa le mocha ho nahana mehopolo eo joale. 'Me joale ema hofihlela o fihla moo 'na le Moena Neville re leng teng, ebe—ebe u tla—u tla nahana lintho tse ngata ka ho fapania, u a tšerema 'me u a katileha.

¹¹ Be, re bile le nako tse khōlō Moreneng. Morena o re sitsitse ka ho khaphatseha, 'me ke leboha haholo. 'Me ka khutla, ke nahana, Sontaha se tlang, ha Morena a ratile, kea batla, ha Moena Neville a sa tsotelle, eona...Ke na le tšebeletso, bonnyane Sontaha hoseng le mohlomong Sontaha bosiu, tšebeletso ea pholiso Sontaha bosiu. Sontaha hoseng ke na le molaetsa o bohlokoa, ha Morena a ratile hore nka o hlahisa. Ha ke e-so nahane sehlooho sa ka...ke sehlooho sa ka feela, ha se na therō, hobane ke—ke...ha ho—ha ho letho, ua tseba, tšenolo e tsoang ho Morena, e ka ho 'na feela. Ke—ke batla ho hhalosa ntho Sontaha eo ke tsepang e tla batla e thusa litseleng tsena.

¹² Joale ke tlameha ho kena tšimong, 'me letsatsi la ka le leng le le leng le batla le nkiloe hohle. Kea kholoa Billy o mpoleletse, lenaneng, ke na le matsatsi a mabeli kapa a mararō ao nka khutlelang hae ka 'Mesa hoba ke tlohe mona, ho khutlela Tucson, 'me ebe ke phetho. 'Me e ntoo ba ho fihlela Pulungoana e tlang, Mphalane, ha ke khutlela mose o koano ho tsoa mose ho maoatle.

¹³ Joale, ho setse matsatsi a mabeli pele ho Keresemose. Ho setse letsatsi, ha ke re? A tla be a le mabeli. Mantaha...Labobeli ke Christmas Eve? Labobeli ke Christmas Eve. Na ho ha tšabebe ho bona letsatsing le leholo lena la phomolo, leo re le atamelang, ha le atamela ka mokhoa oa teng? Ke ntho e haulang haholo, ke ntho e—e—e bohlasoa, ho nahana hore—hore mebutla le e—e tumelo-khoela e bitsoang "Kriss Kringle" (Santa Claus) le ntho eohle, e phothomme boleng ba seo Keresemose e leng sona.

¹⁴ Joale, ha re...ha re—re tsebe, 'me ehlide ha ke lumele... Ke ne ke theoha, mohatsa ka morao mane, 'me ke...ho theoha ka tsela, ke mametse molepi oa linaleli; hono joale, ba sa tsoa oelana le mohopoloo molepi oa linaleli a 'mpoleletseng 'ona lilemo tse ngata, ngata tse fetiloeng, ke sa le lepolesa la tlhaho mona Indiana. Eitse ha ba mpolella hore...kamoo linaleli tseo li kopaneng 'moho, joaloka ha molepi eo oa pele oa linaleli a entse 'me ha boptjoa, ba re e tla ba ntho ea tlhaho e etsahalang nakong efe le efe, kea kholoa o boletse bosiung bona, lilemong tse makholo a robeli, kapa ntho e kang eo. 'Me e ipopa bocha, ka: Sargase le Jupitere, 'me kea lebala; le Mart—...Mars; che, ke...e phoso. Ke tloaelo ea linaleli tse itseng ha li potlaka 'me li fapania mopotolohong oa tsona li lebahana le lefatše, 'me molepi enoa oa linaleli bosiung bona o lekile ho e tlaheha e le ketsahalo ea tlhaho feela. Ke—ke ha ke—ha ke amohele taba eo. Ke lumela e ne e le ntho ea mohlolo o holima tlholeho, e entsoeng ke Molimo. Eèna, lintho li mohlolo ho Molimo. Eèna ke Mohlolo o fetang hholeho.

¹⁵ 'Me—'me eaba kea nyarela 'me kea tseba e khutla e atamelā 'Mesa, ke se ke...ha Morena a nthatile ho phela hakaalo, ke tla be ke le lilemo li mashome a mahlano a metso e mehlano. Ua bona? 'Me ke—ke tseba e... Empa ha ke hetla bophelo ba ka, ke ipotsa moo e etsahtseng. Ho qala ka Dikeresemose tse nyenyane tse qalang, mehleng eo re fanyeha listokinsi tsa rōna, 'me Mama a nke... Mohlomong re fumana lamunu, le lipompong tse metsero tsa k'hendi tse peli kapa tse tharō, 'me ho rōna eo e le Keresemose e khōlō. Empa, ua tseba, bana ba—ba shebella lineo tse joalo. Re—re fumana hore—hore Keresemose e lebisitsoe ho...haholo ke bana, ba—ba e shebella matsatsing ana. E—e fetoletsoe ho bana. Empa ruri e tlamehile ho ba ea batho ba holileng; e ka khona bana ba rutoe moelelo oa mannete oa Keresemose.

¹⁶ 'Me ruri ha ke lumele hore—hore Kreste a ka tsoaloa la mashome a mabeli a metso e mehlano la Tšitoe, koana Judaea, hobane ho bata ho feta mona hantle hona joale. Ua bona? Oh, 'me ebe balisa ba ka alosa mehlape ea bona bosiu joang? 'Me—'me hape ebe lekhetho le ntho eohle, 'me Maria a tlameha ho tsoa hole hakaalo, ho tsoa tlase koana Bethlehem ho kena holimo Judea, ho nyolohela Jerusalema, ke rialo, mono e...bakeng sa lekhetho. Ke—ke—ke batla ke sa khone—khone—khone ho lumela seo. Ho nyoloha, kea kholoa o tlie Nazaretha, 'me eitse ha...Kamoo ntho eo—eo e neng e ka etsoa. E ne e ke ke ea—ea etsoa, empa ke lumela Kreste a hlahile ka sehla sa selemo, hobane E ne e le Konyana ka tsela eohle. Ua bona? 'Me elelloa, O hlahetse molikong, 'me e seng tlung?

¹⁷ 'Me eitse ha ba Mo isa sefapanong (ba bang), ka tsebo ea rōna, ha ho a thoe O ba isitse, empa ba Mo isitse. Na u tsebile hobane konyana kapa nku e tlameha ho isoa hlabong? Ha e—e ikise hlabong, u—u tlameha ho e isa mono. 'Me ka tloaelo ke pōli e tsamaisang nku. Ka hara—ka hara masaka a bohlabelo, ba hlahletse pōli. 'Me pōli e tla nyoloha ke tselana ena, e feheletsa nku tselaneng ena ho ea hlabjoa, ebe pōli e tlolela ka ntle. Empa mohla ba hlabang pōli, ehlile e pheha khang (e tlameha ho kena) empa, ehlile, hobane u ke ke ua e bea molato. Empa—empa ke e—e ke selō kamoo nku e tlamehang ho tsamaisoa, 'me O isitsoe hlabong. Ba Mo isitse. E ne e le Konyana. 'Me ke lumela tlahho e le joalo feela, 'me likonyana li hlaha ka bo Hlakubele, 'Mesa, le kae—kae mono, e seng ka morao ho Motšeanong. 'Me ha ke lumele ebile pele ho Hlakubele le ntho efe ka morao ho Motšeanong, kae nakong eo.

¹⁸ Empa mohla kereke, Bokreste, bo ne bo nyalana le Boroma, e ne e le Nicaea Council, mohla ba amohelang... sechaba sa Maroma sa amohela Bokreste 'me ha boptjoa ho bitsoang borapeli bo ka lefatšeng lohle, e ne e le Bokreste. Ba bopile borapeli bo ka lefatšeng lohle, 'me ba khumamela lisēto, 'me ba hlomme molimo—letsatsi.

¹⁹ 'Me hona joale, ho qala ka—ka la mashome a mabeli a motso o mong ho isa ho la mashome a mabeli a metso e mehlano, letsatsi le batla ema tsi tselaneng ea lona ha le feta. Le e bitsa'ng ntho eo? E see le . . . Ke itse kea e tseba, empa ha ke hopole. Ke mohla letsatsi—ke . . . le—le eketsa nako e kana 'me le fokotsa nako e kana, ho fihlela la mashopeli-'ngoe, lipakeng tsa la mashopeli-'ngoe le la mashopeli-hlano Tšitsoe. Oh, kea lebala ba e bitša'ng. Eng? [Motho ka phuthehong o re "Phifalo?"—Mong.] Che, phifalo ke mohla le fetang, letsatsi le khoeli lia fetana. Ke ntho e 'ngoe ka mono, oh, ke—ke—ke batla ho e bua hona joale ha ke khone. Feela, ke mohla letsatsi le emeng tlekelele e leng seo Maroma a se bitsang (diserekisi li a qala), la reoa tsatsi la *tsoalo ea molimo-letsatsi*. Ba le keteka ho qala ka la mashopeli-'ngoe ho fihla la mashopeli-hlano la Tšitoe.

²⁰ Ka hona, ka ho sokolloa, Roma ho kena . . . Bokreste ba amoheloa, ka mokhoa oa bona Roma, ba re, "Re tla keteka ka ho tšoana, 'me re behe *letsatsi la tsoalo ea Mora Molimo*." Ua bona? Ke molimo-letsatsi, letsatsi la tsoalo ea Jupitere, ea ntso ba letsatsi la tsoalo ea Mora Molimo, la mashopeli-hlano Tšitoe, 'me hoo . . .

²¹ Empa ho etsa phapang ea eng? Ua bona, kajeno holim'a re . . . Esita le holane e le . . . le holane ba e etsa ka Phupu kapa Phato, kapa neng, esale bokhethehi ba ho hopola ho re "Molimo o re file tšepo e ahileng ka ho róna."

²² 'Me joale, u re, "Be, ba bang bohole ke Santa Claus 'me ba sebetsa joalo; khele, re ka mpa ra etsisa." Che, monghali! Che, ho róna hase mokete oa bohetene, ena ke hora e khetheleng. Hola Keresemose e le sieo, tsoho e ka ba e le sieo. Hola Keresemose e le sieo: lerato le ka be le le sieo, khots e ka be e le sieo, ho ka be ho se letho kamorao ho mona ho molumeli; holane Keresemose e le sieo.

²³ 'Me joale, u re, "Be, efèla ha lefatše lohle, ba mpa feela . . ." Be, ua bona, lehalima le litseenene hara botšo, lipakapaka tse maru, li supa leseli le ka chaba nakong ea lefifi. Maseli ana a bosiu bona a paka, leseli le ka chaba lefifing. 'Me leseli le chaba neng le hlakile? Lefifing. Ha u khantša maseli ana motše share, letsatsi le chabile, u batla u sa elelloe khanya eo. Empa nthoana e le 'ngoe feela, hlase ea leseli e phatsima hantle lefifing. 'Me hona joale ho lefifi hoo Mokreste ofe le ofe a tlamehang ho paka ka tšepo e ahileng ka ho eèna, ea Jesu Kreste Mora Molimo; e seng Kriss Kringle oa mofuta ea tsoetsoeng morao koana, ua tseba, 'me ho hotetsoa sefate se itseng ebe o fohla moru bosiu bo le bong, pale ea mehopolo e se nang motheo. Empa ruri re lumela Lentsoe la Molimo la pallo ea Messia ea tlang, 'me O tsoetsoe ka letsatsi la Keresemose, mashome a mabeli . . . lilemo tse ka etsang likete tse peli tse fetileng, rea lumela.

²⁴ Ka hona, bosius bona re tla bua nakoana ka mokhoa o fapaneng. Kea kholoa molisa oa lõna o se a buile, 'me a ka boela

a bua Laborarō bosiu hobane ke—ke tseba a koetlile therō ea mofuta kapa ho hong, ho ntšuthela kalana ena bosiumg bona. 'Me ke batla hore a e rere, ke batla ho mo mamela.

Empa, pejana feela re etsa sena joale, ha re inamiseng lihlooho tsa rōna hape nakoaneng ea thapelo:

²⁵ Ntate oa Leholimō, nakoana e khōlō ena e halalehileng, ha re nahana lintho tse fapaneng Lengolong mona, hore hohle moo re eang teng, morao ka hara Testamente ea Khale, e buoa ka mohla Molimo a tla romela Mora oa Hae. Kamoo baporofeta bao morao koana ba balileng nako ea bona ea boporofeta ba Lentsoe la Molimo le tlāng ho ba fihlela. 'Me ba porofetile matsatsing a bona ba lepile lintho tse tlāng ho hlaha, 'me re e bona eohle e phethisoa bosiu ba Bethlehem mohla Molimo o ratileng lefatše O bileng oa fana ka Mora oa Oona ea tsoetsoeng a inotsi. Re U leboha ka sena.

²⁶ 'Me joale, Morena, re sa phomola mona ho—ho bua ka Lentsoe la Hao; 'me Le halalehile hona, Morena, re rata ho bua le Uena pele ke hona. 'Me re U kopa ho bulela kutloisiso ea rōna Lentsoe la Hao. Ka Lebitso la Jesu re e kopile. Amen.

²⁷ Joale ke batla ho bala Lengolo le itseng mona, pale ea tloaelo feela ea Keresemose, Lengolo le fumanoa ho—ho Mattheu, khaolo ea 2. 'Me e re le sa phetla, hape le Johanne 3:16.

²⁸ 'Me bosiu bo bong holimo koana Phoenix... Haeba lōna batho ba teipi mona, le mamela diteipi, ke batla le mamele eo: *Hobaneng Jesu A Ne A Tlameha Ho Tla Bethlehem*. Hobaneng A ne a tlameha joalo? Le lipapiso tseo tsa Davida mono, ea robetseng 'me—'me a letile thabeng, a nyaretse fatše a bona thibella ea lebotho la Bafilistine. Ka e bapisa le kajeno hantle, le ho fumana hore Bethlehem... seo e se bolelang.

²⁹ 'Me Kreste ke Bethlehem ea rōna, eaba ke paka hore motho ofe ea tsoetsoeng ke Molimo o tšoioletsoe Bethlehem, hobane Kreste ke Bethlehem. 'Me ke seo A neng a le sona, *Bohobe ba Bophelo*. 'Me Beth, *B-e-t-h* e bolela—bolela "ntlu," *E-l* ke "Molimo," 'me *e-l-h-e-m* ke *Elhem* e bolelang "bohobe," le "Ntlu ea Bohobe ba Molimo." 'Me Jesu Kreste e ne e le "Ntlu ea Bohobe ba Molimo," Bohobe ba Bophelo Bosafeleng. 'Me motho ofe ea tšoetsoeng ho Kreste, u tšoioletsoe *Bethlehem*, "Ntlu ea Bohobe ba Molimo." Le kamoo dilekane tsena tsa likereke kajeno li thibeletseng, joaloka Bafilista, ho Le hanela batho.

³⁰ Le kamoo banna bao ba linatla, ba tsebileng Davida a tlotsitsoe a tla behoa morena tsatsi le leng... a sa tuma mohlang oo, e le molelekua sechabeng sa habo, feela pitso ea hae ea fihla tsatsi le leng. Banna ba linatla ba mo teetse hare. 'Me le hopole, banna bao e ne e le Balichaba, boholo ba bona e le Balichaba, setšoano se tšoanelang kajeno. 'Me monna e mong e le mohale hakaale, a bolaea banna ba makholo a robeli

ka nyee...ka lerumo la hae, ka bo-eèna, ka letsatsi le le leng. 'Me e mong a ema tšimong ea lentile, lebotho la futuha, sesole. Bohle ba baleha, a ema teng a hlaba banna ho fihlela matsoho a hae a khathala. E mong eèna, a tšethemela lemeneng a bolaea tau lehloa le ntse le khethheha, ka bo-eèna. Le Philis...kapa futuheloa ke Moegepeta, ka moleketla oa lerumo, eaba o nka molamu o pheula lerumo letsohong la hae, a phamola lerumo a bolaea Moegepeta ka lona, a ba a bolaea balaoli ba makholo a mararō.

³¹ Ha hlaha banna ba baholo! Davida a hooeletsa, "Hola nka boela ka noa, ua bona, selibeng seo!" (a kile a nosa manku a hae a tsoe hoseng, a tsoa lesakeng, li batle ho noa metsi) Eaba banna bana ba tsomula lisabole tsa bona ba loantša banna dimeile tse leshome-hlano, ba khile metsi ana.

³² 'Me Davida o itse, "Lekhale, nke ke ka a noa." Eaba o a tšollela fatše e le seno se nyeheloang Morena. Papiso e khabang hakae ea ntho e tšoanang, le Johanne 3:16 ena, bosiung bona.

...Hobane Molimo o ratile lefatše hakaalo, O bile oa
le nea Mora oa Oona ea tsoetsoeng a inotši,...

³³ 'Me Kreste o entse'ng? Bophelo boo A neng a tlameha ho bo phela ka Bosafeleng, O bo tsoletse mobung bo tsoa methapong ea Hae, bophelo ba Hae ba tlhaho, holima mobu e le nyehelo ea sebe bakeng sa röna. Le kamoo Balichaba kajeno, banna ba hlomphuoang, banna, banna ba baholo, ba tšoarang sabole, 'me ba eme mono ba hleka tsela ho fumenela Kreste metsi a macha (Davida oa röna), ea sa tumang kajeno. Empa Davida oa röna, re Mo tseba a tla ka matla, O tla hatikela sechaba se seng le se seng tlasa maoto a Hae joalo, 'me a li buse ka lere la tšepe. 'Me banna ba bahale, ba eme le Lentsoe la Molimo 'me ba khethula ho qala lehlakoreng le leng ho isa lehlakoreng le leng ba sa tšabe letho, hobane re Mo tseba a tla ka matla.

³⁴ Ha re baleng joale, ka morao ho Johanne 3:16; ha re baleng ketelo ea—ea Eabohlhale oa Santa Mattheu, khaolo ea 2.

*Jesu eitse ha a tsoaletsoe Bethlehema oa Judaea
mehleng ea morena Heroda, bonang, ba bohlale ba—ba
bochabela ba fihla Jerusalema,*

*Ba re, O kae eo ea tsoetsoeng Morena oa Bajuda?
hobane re bone naleli ea hae bochabela, 'me re tilie ho
mo khumamela.*

*Eare ha morena Heroda...utloa lintho tsena, a
tšoha, le ba Jerusalema bohle ba tšoha le eèna.*

*Hobane a bokelle...baprista ba baholo le bona
bangoli ba sechaba, a ba botsa moo e ka khonang
Kreste a tsoalloe teng.*

*Ba 'molella, Ke Bethlehema oa Judaea: hobane ho
ngoliloe joalo ke moporofeta,*

*Le uena Bethlehema, fatše la Juda, ha o monyenyan
hara metse e meholo Juda:...ho tla tsoa ho uena
Motsamaisi, ea tla lisa sechaba sa ka sa Israele.*

*...Heroda, hobane a bitse ba bohlale sephiring, a ba
botsisisa nako eo naleli e bonahetseng ka eona.*

*'Me a ba romela Bethlehema, a re, E-eang le botsisise
litaba tsa ngoana haholo; 'me etlare ha le mo fumane,
le ntsebise, le 'na ke tle ke ee ke mo khumamele.*

*Eare...ba utloile morena, ba ea; ebile, bonang,
naleli, eo ba e boneng bochabela, e ba etella pele, ea
fihla ea ema holima moo ngoana a leng teng.*

*'Me eitse ha ba bona naleli, ba nyakalla ka thabo e
khōlō haholo.*

*Ha ba kena tlung, ba fumana ngoana le 'mae Maria,
ba oa ka mangoele, ba mo khumamela: 'me...ba
phutholotse matlotlo a bona, ba mo ntšetsa limpho; tsa
gauta,...libano, le mirra.*

*Eitse ha ba senoletsoe ke Molimo ka toro hore ba
se ke ba khutla...ba se ke ba boela ho Heroda, ba
khutlela lefatšeng la bona ka tselo eseles.*

³⁵ Mona ho a hlolla kamoo Molimo, ka mokhoa o ka
tlasana,...Molimo o bua le batho ka litoro. Kea e lumela.
Empa kamoo Molimo lebakeng lena o khethileng mokhoa oa
bobeli.

³⁶ Joale, toro ke...toro, ha e koaholotsoe ka tšoanelo, e
itšoanelo le pono; haeba e le toro e koaholotsoeng. Molimo
o e sebelisitse esale ho qala Testamente ea Khale ho theoha
le mengoaha, e tšepisitsoe ho sebelisoa hape matsatsing a ho
qetela. Joale, batho ba ka ja monyollo le—le joalo-joalo 'me
ba phofe, 'me hase—hase litoro tsa mannete, tsa semoea, ha e
letse lekolilo ha u—ha u e bala. 'Me karoloana ea eona ekare e
lokile, empa koana li teng, litoro tsa mannete tsa semoea. 'Me
mona tabernakeleng re tseba Molimo a nea batho litoro 'me lia
koaholloa, 'me lia etsahala, 'me ke tsa mannete. Empa ke ho e
sebetsa ka mokhoa oa bobeli. Ua bona?

³⁷ Joale, lebaka la ho e sebetsa joalo mohlang oo, ho be ho se
moporofeta naheng mohlang oo, ho koaholla toro. Ua bona?
Ho se moporofeta ea koahollang litoro, joaloka Josefa le—le
Daniele le baporofeta bao ba khaleng. Ba hlokile moporofeta
lilemo tse makholo a mane, 'me Molimo oa sebelisa toro ho...
litabeng tsa Ngoana oa Hae ka Seqo. O entse joalo.

³⁸ O boleletse Josefa, athe e be e le "monna ea lokileng,
a sa batle ho mo hobosa phatlatlsa, a hopola ho mo lahla
sephiring." Ntle le pelaelo o 'moleletse ka ketelo ea Gabriele le
joalo-joalo, le seo a se buileng; empa ha a 'mona e le moimana,
keha e—e sa tloaeleha haholo. Ua tseba, feela ke...keha e

fapane haholo. 'Me ua tseba, ke bona bothata kajeno. Molimo o sebetsa lintho ka mokhoa oa sa tloaeloang, 'me ha ea tloaeleha ebile monna ea lokileng ha e bone.

³⁹ Keha Josefa a sa utloisise, e kheseha haholo. E ne e le monna ea lokileng, ho se phoso ka eëna. E ne e le monna ea lokileng, monna ea molemo, empa e kheseha haholo. Ua bona, Josefa a ka ba lilemo tse mashome a mane kapa mashome a mane a metso e mehlano, ntho e kang eo, ha ba bolela, mohla eëna le Maria ba beeletsaneng. Empa mona re fumana ntho e-so etsahale: mosali ea lebelelitsoeng ke monna enoa 'me koana ke moimana! 'Me e kheseha hona Josefa a hopola ho mo lahla sephiring. Empa nakong e hloklosi eo, Molimo oa romela Lengeloi la Hae, la ipontša eëna ka toro la re, "U se ke ua tšaba ho inkela Maria mosali oa hao, hobane Se emotsoeng ke eëna ke sa Moea o Halalelang."

⁴⁰ Josefa o tlamehile a be a fumane tumelo e kakang e tsoetsoeng bocha ha a raoha mono! Ua bona, a sa hloke koahollo ea letho, toro e sa tla ka litšoantšo. Keha e totobetse, "U se tšabe ho inkela Maria mosali oa hao, hoba Se tsoetsoeng ka ho eëna ke sa Moea o Halalelang." Ho se moporofeta ea ka koahollang, ka hona ea tlameha ho tla e llamaletse, e tsepame joalo; ho Molimo...ho tsoa ho Molimo ho ea ho Josefa. Joale... 'me Molimo o khethile mokhoa oo oa bobeli.

⁴¹ Ebe mona re rutoang, pele re otla therō ea rōna? Re rutoa sena: hore Molimo o ka sebelisa talenta efe ea botho ba rōna haeba e ka committ...ea neheloa Èëna. A ka sebelisa kelello ea rōna, litoro tsa rōna, letsoalo la rōna, letsoalo la rōna la pele, leleme la rōna, lifela tsa rōna, mahlo a rōna, ntho e rōna... Sohle seo re ka bang le sona se ka sebelisoa ke Molimo haeba se nehetsoe Molimo. Ua bona? Sohle seo u leng sona, se khethele Molimo. O tla sebelisa phororo efe le efe le karoloana efe le efe ea hao, O tla e sebelisa. Ho sa tsottelehe seo e leng sona, O tla e sebelisa haeba e khethetsoe morero oa Hae le pitso.

⁴² Joale, bosiung bona re tlil'o bua ka: *Lineo*. 'Me ke batla ho e reella tjena, haeba... Ke ngotse, ke khoarilitse nthoana ka mono, mohla Moena Neville a neng a nyolohile: *Lineo Tsa Molimo Ka Mehla Li Fumana... Lineo Tsa Molimo Li Fumana Malulo A Tsona Ka Mehla*. Lineo tsa Molimo li khesoa ka mehla, empa e hlile e lula malulong a eona ha...

⁴³ Joale, le shebe lineo tse tlisitsoeng ke banna bana ba bohlale... kapa tseo ba Mo fileng tsona. Kajeno re iphihlela re neana limpho. Mang le mang o tlameha ho fumana neo, 'me a leke ho nahana seo thaka le latelang le tlang ho mo fa sona, a tle a mo fe ka tekano e kaalo le eëna. 'Me haeba e se joalo, be, ka New Year's, o utloa a tlameha ho buseltsa khalapa. 'Me mang le mang o a batlisisa 'me o toute a tsamaea holim'a

fuluru, boradimilione, kamoo ba tla tsoella kateng. Ba nehela *enoa* hakana le hakana ho *eane*, athe ntho eohle e—e phoso ka botlalo. Ke—ke—ke—ke ka botlalo... Keresemose...

⁴⁴ Mona: u ka nehela neo e le 'ngoe feela, 'me eona ke uena. Ikhethelle Molimo hobane Molimo o se a u file Neo ea Hae. Joale, molato oa hao o mong feela ho Molimo, ke uena ho Eèna.

⁴⁵ Joale, 'me hangata, *mabitso* a ka hara Bibebe. Ha re sa ela hloko, kajeno. Re... Le nkutloile ke seholla lebitso lena khafetsa, bana ba reang... kapa batho ba reang bana ba bona "Ricky." Joale, *Ricky* ke lebitso le tšabehang! Ua bona? 'Me ke e... ha u a tšoanelo ho ba rea lona. Haeba u na le ngoana ea reiloeng Ricky, hela, le fetolele nthong e 'ngoe. *Ricky*, kapa—kapa *Elvis*, kapa ntho e kang eo... *Ricky* e bolela "khoto." Ua bona? 'Me ka hona u—u tlohe... 'Me—'me seo u se reang motho, se tlapisa hona hoo. Leleitinyana, letsatsi le leng, le nang le moshanyana mono ea bitsoang "Ricky" 'me lebitso la hae ke Ricky, James Ricky. 'Me ka hobane le ne le tumile (*Ricky*), ba mo rea "Ricky." Ka re, "Fetola lebitso leo!"

⁴⁶ Ke bona batho ba lutseng mona hona joale ba nang le setloholo, 'me lebitso la hae ke... e mong—e mong ke moshanyana ea mosa, thaka le imametseng; athe e mong ke Ricky, 'me ke seo a leng sona. U mo bee leihlo feela, tlhaho ea hae e joalo feela. 'Me eena... Ke boleletse baholo ba hae, kapa motho e mong, ka re, "Bolella 'mè a fetole lebitso la thaka leo, ak'o fetole lebitso leo feela 'me u shebe se etsahallang moshanyana eo." Ua bona, lōna batho ting ha le batle ho e lumela. Re ikhopola re phetse halele ho feta moo.

⁴⁷ Haeba ho se letho lebitsong, hobaneng ha feela Jakobo a bitsoa *Jakobo*, e bolelang "moqhekanyetsi, mothetsi," a ne a le joalo? Empa mohla a betanang le Morena bosiu bohle, 'me Morena a fetola lebitso la hae, 'me ho ka thoe... mohla a batlang a etsa lilemo tse mashome a tšeleta. A fetoloa lebitso ho tloha—tloha—tloha ho Jakobo ho ea ho *Iseraele*, "khosana pel'a Molimo," 'me e le sona seo.

Hobaneng Abram a bitsitsoe... a ile a tlameha ho bitsoa "Abraham" le pele lesea le ka tsoaloa? Hobaneng Sarai a bitsitsoe "Sarah" le pele lesea le ka tsoaloa?

Hobaneng Pauluse... kapa ho bitsoa... lebitso la hae e ne e le Saule, empa mohla a kopanang le Jesu, A mo fetola ho tsoa ho Saule ho ea ho "Pauluse."

Mohla Simone a ne a fetoloa ho tsoa ho Simone ho ea ho *Petrose*, e bolelang "lejoana." 'Me—'me *mabitso* a bona kaofela a fetotsoe, hobane ntho e teng ka seo u se reiloeng. Ha u bua taba, e a inètefatsa. Ha ke batle ho kena mono, hoba e tla latela bosiu ba Sontaha se tlang, ua bona, nètefatsa ea lentsoe. 'Me, empa joale, re fumana lintho tsena li nèpile hona.

⁴⁸ Joale sheba, Molimo . . . Ke ntho e makatsang bosiuung bona, ho bona banna bao, Babohlale, banna ba rutehileng, banna ba baholo . . . ba tsoa Bochabela, e leng Babilona, e neng e le India. 'Me ha ba kena ka bosiu bo le bong, 'me ba tsamaea bosiu bo le bong ba fihla mono bo latelang, ba nkile lilemo tse tse ka bang peli ho fihla mono. Ha ba fihla ho Lesea sejelong. Ba fihlile ho Ngoana e mocha, Ngoana e mocha. 'Me Heroda o bolaile bana ho qala ka ba lilemo tse peli. Ua bona, ho tseba hoba e ne e se leseanyana le robetseng moalong, a sa tsoa bolaea maseanyana kaofela. Empa o bolaile bana ba bacha, a tle a kholisehe ho fumana Eèna, ho qala ka lilemo tse peli ho khutlela morao. A ile cheha nako kaha a sa batle ho bolaea ba bangata haholo, kaofela ha bona, o mpa feela . . . hobane e ne ekare makhoba ho eèna. A batlile ho fumana . . . ho ikholisà ho Mo fumana, ka hona o itse, "Mothoana eo o batla a le lilemo li peli. Ka hona, ntho efe e qalang ka lilemo tse peli ho theoha, le e bolaee." Ua bona?

'Me ho hlahile se boletsoeng ke moporofeta ea itseng, ha thoe "Koana—koana Rama ho tla utluoa lillo le e—e mehoo kapa liboko, mephohomèla; ha thoe Ragele o llela bana ba hae, ba ne ba le sieo."

⁴⁹ Joale, na le lemohile banna ba bohlale bana, banna ba baholo, ba ne ba le holimo koana Babilona 'me ba bone Naleli ea Hae, re itse, "Re bone Naleli ea Hae bochabela 'me re tlide ho Mo khumamela." Ba tsoile bochabela, moo ba boneng Naleli, ba ea bophirimela. Hobane India e bophirimela, leboea-bophirima ho Bab— . . . ba—ba Palestina. 'Me theohile hantle ba iphapitile ka Noka ea Tigrise 'me tšela lithota ba tla hantle, ba kena tlase Bethlehem moo ba fumaneng e—e—e Lesea. 'Me le hopole Josefa le bao ha ba ka falla mono; ba kene hantle tlase to Nazaretha 'me ba nyoloha le Ngoana, hantle mono.

⁵⁰ Joale, mona re ba bona ba hlahisa . . . Banna bana, e leng balepi ba linaleli ba fatakang linaleli, 'me ba bona holimo mane ho hlahia maseli a semaka ana a leholimō, hore ntho e a etsahala; ba tsebile hoba ke Messia eo, e—e 'Musisi oa maholimō le lefatše, a tla tsoaloa. 'Me ba tlide, ba tsebile hoba Bomolimo bo tla be bo haelelitsoe, bo koaletsoe ka hara e—e boleng ba motho; hobane ho le supisa bopaki ba bona . . . Ua tseba, ua tseba, bophelo ba hao bo hloliea ho feta mantsoe a hao, ho sa tsotelehe seo u se buang, batho ba tseba seo u leng sona ka—ka seo u leng sona.

⁵¹ 'Me le shebe batho bana, Babohlale bana, ba Mo tliselitse . . . Sheba lineo tseo ba Mo nyehetseng tsona, li pakile seo ba Mo hopotseng a le sona. Ba Mo nyehetse gauta, libano, le mirra. 'Me joale sheba litšoantšo tsena, tseo ke batlang ho bua le lōna ka tsona joale . . . ke seo litšoantšo tsena li se bolelang. Joale, ke ngotse Lengolo le itseng mona re tla le bala nakoaneng feela, ha Morena a ratile.

Joale: gauta, le libano, le mirra.

⁵² Joale: gauta Bibeleng... e tšoanela Kreste hakaale ka'ng, hobane gauta e bua ka Bomolimo. *Gauta* ke "Bomolimo." Re tla e finyella nakoaneng feela. *Libano* li lekanya "tšebeletso." 'Me *mirra* ke "lefu." *Molimo, Bomolimo, bo tšebeletsong ea ho shoa.* 'Me E ne e le hoo hantle. Seo ba se tlisitseng se supile seo ba Mo hopotseng a le sona.

⁵³ 'Me ke rialo ho rōna kajeno, "Linthro tseo re Mo tlisetsang tsona li supa mohopolo oa rōna ka Eèna." U utloisia seo ke se bolelang? Ua bona? Haeba u le e... Haeba u Le lumela ka pelō ea hao eohle, Lentsoe le leng le le leng la eona, u tla itšupa ka ho nehela sohle seo u se ruileng ho Lona. Ua bona? Empa ha u lumela e le sebaka se setle sa botsoalle le batho, tikolohong ea kereke le linthro tse joalo, u batla u nehela seo (lihora tse 'maloa feela tsa bolekane le phutheho e itseng kapa ho hong). Empa haeba u—haeba u hlile u Le lumela ka pelō eohle ea hao, u nehela ho Lona sohle se leng ka ho uena. Ua bona? 'Me e tšoantsa uena, hore u lumela Molaetsa ka 'nete, hore u e lumela e le 'Nete.

⁵⁴ Batho ba bangata ba re, "Nka lumela *sena hakana*. Nka lumela *tjena*." Barutuo... Kea khola khetlo la ho qetela mona, ke buile kahoo: *Balumeli, Baipèhi-Tumelo, Le Bomosalumele*. Na e ne e se eona? Ke...ha kea e bua mona? Ua bona? Le motho mang le mang, le mokhahlelo oa bona. Ua bona, ba fihla moo ba ka le nkang hakana feela, ha ba khone ho nka ho setseng.

⁵⁵ Joale, lineo tsena li ne li tšoanetse leeto la Kreste lefatšeng hakakang, Lesea le tsoetsoeng lefatšeng mona. 'Me lineo tsena tse tlisitsoeng ke banna ba bohlale ho Eèna, li lekane thomo ea Hae ka tšoanelo ho tsoa ho Molimo le leeto la Hae holima lefatše ka nèpahalo.

⁵⁶ Joale, ntho ea pele: Molimo. Enoa e ne e le Molimo, Jesu e ne e le Molimo ka sebopinho sa monna. Ho thata ho batho ho e koenya, esita le kajeno, ho re "E ne e le Molimo." 'Me Eèna... Ke seo A neng A le sona. E ne e se letho le ka tlasana ho Molimo. E ne e le Molimo o bonahetseng ka nama. E ne e le 'Mopi kahara popo ea Hae ka Sebele. Joale hoo... E ne e le 'Mopi kahara popo ea Hae, ka popo, molemong oa popo. E ne e le 'Mopi kahara popo ea Hae, ka popo ea Hae, bakeng sa popo ea Hae. Tsohle li lohana li khutlela ho Molimo hantle, ntho eohle. Ha u bone na? Botlalo ba Molimo! E ne e le 'Mopi hoo E neng e le Molimo. 'Me holima lefatše E ne e le Boleng (Boleng ba nako), ho bolelang hobane O tšoanetse A be a bile le qalo, ka baka leo O Ipopetse 'mele ho phela ka ho 'ona. Molimo, ka Sebele, o bopile 'mele oa Hae. Ua bona? Hore ka popo ena, A tle a pholose popo e lahlehileng eo A e bopileng.

⁵⁷ Ha ho letho leo motho a ka le timeletsang, ha ho ntho le e 'ngoe. U ke ke ua etsa letho ho senya ntho efe ka bottlalo ba eona. U ka nka sekhechana sa pampiri 'me ua se chesa, u ka

chesa moaho lore, u ka chesa sefate lore; ha u a se timeletsa. U...mofuthu o kahare ka mono, mollo oo o qhaqhang, ke dik'hemik'hale tse phatlohang feela. Li tuka li khutlela ho seo li kileng tsa ba sona tšimolohong. Ha lia timeletsoa. Ha u chesa sekotoana sa patsi ('me lefatše, ha re re, haeba re ka phela ka Bosafeleng joaloka Molimo, dik'hemik'hale tse tsoang patsing eo le mollo li khutletse tšimolohong tsa tsona tsa mantlha 'me ke...ho seo e kileng ea eba sona, ho pshatleha ha diatom le joalo, e—e lefatše, ha re re, ha le ka ema dimilione tsa lilemo), e ka boela ea khutla ea fetoha sefate se seng, joaloka sona hantle.

⁵⁸ U ke ke ua timeletsa letho hobane ke Lentsoe la Molimo le Builoeng. Amen! Oh, 'me hoo ho ntlatsa borapeli, joale. Ua bona? Seo Molimo a se buang, Se ema ka mehla. Amen! Ua bona, u ke ke ua timeletsa. Re karolo ea lefatše lena, 'me re ke ke ra timeletsoa ka bottlalo le ka mohla. Che, monghali. Sebe (soulu) se tla timeletsoa, re eleloa seo. Empa e—e 'mele oo re phelang ho 'ona, o ke ke oa timeletsoa. Ua bona?

⁵⁹ Joale, ka baka leo, Molimo o Ipopetse 'mele. E ne e le 'Mopi, ho bopa popo ea Hae ka Sebele, hore ka Popo ena A tle a pholose bao ba lahlehileng popong ea Hae (ke uena le 'na, libopua tsa nako).

⁶⁰ Lentsoe la Hae—la Hae le supile ka ho nèpa ho re...Eèna le mesebetsi ea Hae ba kholisitse hore E ne e se letho le ka tlasana ho 'Mopi. O nkile thajana ea bohobe 'me a e ngoatha, 'me a 'na a ngoatha thajana e le 'ngoe eo ea bohobe, ho fepa batho ba likete tse hlano ka eona; eaba ho òlloa liroto tse supileng tse tletseng masalla, 'me e mong le e mong mono a—a—a khora bohobe.

⁶¹ O nkile hlapi 'me a ngoatha hlapi eo. Joale haeba re ka elelooa O bopile hlapi eo tšimolohong. O bopile bohobe boo tšimolohong. Empa O nkile hlapi eo 'me a ngoatha hlapi eo. Hlapi e phetseng, e phehiloeng kapa—kapa e halikiloeng; 'me e ne re ha A ngoatha, e ka bang eng (se belisitsoeng kapa se halikiloeng), se boetse sa mela (motsotsong oo A se ngoathang) hlapi e 'ngoe e phehiloeng kapa e halikiloeng. Na ha e babatse? Hoo ho Mo supile e ne e se letho le ka tlasana ho Jehova. 'Me hape E ne e le 'Mopi ea ka nkang popo ea Hae ka Sebele, 'me ka popo ea Hae, a supe hore E ne e le Mang. Alleluia! Hoo ho pakile A le seo A neng a le sona. E ne e le Bomolimo. Ka hona, gauta e ne e Mo tšoanel, nyehelong ea tsoalo ea Hae. E ne e le Bomolimo bo entsoeng nama.

⁶² Nka rothetsa some....Baeti ha ba eo hara bosius bona, kea kholoa, ka hona...tšebeletsong ena ea thapelo. Empa e reng ke bue nthoana. Na ebe Jesu, mohla A leng mona,...? Joale, taba ena ke ho thuisa, hase bakeng sa...ho ka thoe... ho hakanya ke rialo. Lemoha, bakeng sa ho nahana feela, Jesu boletse, ho Santa Johanne 14:12, "Ea lumelang ho 'Na,

mesebetsi eo Ke e etsang o tla e etsa le eèna o tla etsa le e meholo ho ena, hoba Ke ea ho Ntate oa Ka." Na u lemohile seo? Lemoha, joale, e ne e le Mora Molimo ea tsepisang molumeli, hore lintho tse fetang tseo A li entseng, (matsatsing ana a ho qetela) ha thoe molumeli o tla etsa lintho tse khòl ho tseo A li entseng. Santa Johanne, khaolo ea 14, temana ea 12. Na ho joalo? Lea lumela Jesus o e buile?

⁶³ Lemoha, mohla Jesu a na a bopa bohobe; O nkile thajana ea bohobe, ho bopa bohobe bo seng bo entsoe bohobe. Mohla A na a bopa hlapi; O nkile hlapi e neng e boptjoe e le hlapi pele, 'me o ntšitse hlapi e 'ngoe ho eona. Na ho joalo? O khile metsi, a neng a tla fetoloa veine, eaba o a fetola veine. Na ho joalo? Empa re 'Mone lipakeng tsa röna, matsatsing lena la ho qetela, a bopa lintho hantle, ho se letho le emeng mono! Na ho joalo? Ho bopa mosamane athe ha ho mesamane mono. Hantle! Oh, Ke a... esale Molimo. Ke Bomolimo hakaalo kajeno joalokaha E kile ea ba eèna mohlang oo le ka mehla, kapa nako e tlang. E sa le Molimo, 'me o phephetsa lipelö ho e lumela, "Lintho tse khòl ho ena, löna... ho sa tśoaroa letho ho ngoatha ho lona. Ho e bua, 'me ho tla ba joalo."

⁶⁴ Lemoha joale, re fumana ho re Eèna... O nètafalitse. Mesebetsi eo A e entseng e Mo nètafalitse e le Bomolimo, e bontšitse hore E ne e le seo. Hoba O itse, "Ekare ha Ke sa etse mesebetsi ea Ntate oa Ka, le se ke la lumela ho 'Na."

⁶⁵ 'Me na Mokreste a ke ke a rialo kajeno, "Ekare ha ke sa etse mesebetsi ea Mopholosi oa ka, le se ke la lumela ho 'na"? Ua bona?

⁶⁶ "Joaloka ha Ntate a Nthomile, le 'Na ke le roma joalo." 'Me haeba u entse mesebetsi, mesebetsi ea popo ea Ntate ea Mo romileng, e tla ba ke popo... Eèna Kreste (e leng 'Mopi) ea re romang, o etsa mesebetsi ea Kreste 'Mopi. Ua bona? "Joaloka ha Ntate a Nthomile, le 'na Ke le roma joalo. 'Me ekare ha Ke sa etse mesebetsi ea Ntate oa Ka, le se ke la lumela ho 'na."

⁶⁷ Ka hona Mokreste kajeno o tlameha ho phethisa Bophelo boo Kreste a bo phethileng ho seng joalo re na le tokelo ea ho re, "Ha e joalo."

⁶⁸ Lemoha joale, mesebetsi ea Hae e Mo bopetse... kapa e Mo tsebahalitse e le 'Mopi. Mesebesi ea Hae eo A e entseng e roesitse bopaki ba bophelo ba Hae khau, ho re E ne e le "'Mopi"; ha ho mokhoa oa ho e koekoetla. Ka baka leo, mohla ba neng ba nyehela neo ea gauta, ba ne ba nyallane le Molimo ka phetheho ka linea tsa bona. Ba Mo file gauta, e Mo supileng e le Bomolimo. Kamehla moqhaka, moqhaka oa gauta... hlooho ea gauta, ea Khosi Nebukadnezare. Tsohle, u a bona, eona... ka mehla Bomolimo bo suptjoa ka gauta.

⁶⁹ Joale: *libano*. Re batla ho finyella tsena ka potlako. *Libano* ke "nyehelo ea tšebeletso ho Jehova." Joale, ha u batla ho

ngola Mangolo a na fatše, Levitike 2:2, le Levitike 16:6 ho isa ho 15. Re e fumana e le tsamaiso ea boprista, ho hlahisetsa Jehova nyehelo. Enere ha a hlahisa nyehelo, e ne e tlameha ho tsoakoa le libano bakeng sa nyehelo ea sebe, ba ne ba nka lintho tse fapaneng 'me ba e tsoakanya. Bakeng sa nyehelo ea phofo, bakeng sa nyehelo e tsokotsoang, ho ne ho tšeloa libano. Hobane, e ne e amoheloa ke Jehova haeba e nokiloe ka *libano*, hoo ho lekanya hoba ke "tšebeletso ho Jehova, Molimo." 'Me, joale, re Mo fumana e le Bomolimo. 'Me ba Mo tliselitse libano, papiso e Mo tlalehang E ne e le tšebeletso ho Jehova. Jesu ke Mohlanka oa Jehova.

⁷⁰ Joale, ho Santa Mattheu 12:15 ho isa ho 21, re Mo fumana e e ne e le Mohlanka oa Jehova, "Bonang Mohlanka oa ka, eo Ke khahlisoang ke Eèna" ('me E ne e le Eèna) "'me Ke beha matla a Ka holima Hae." Ka hona bophelo ba Hae bo ne bo tlotsitsoe ka libano, tšebeletsong ea Jehova. Ke neo e kakang eo banna ba bohlale ba e nyehetseng! Ua bona, e ne e le ntho e tlang ho...e neo eo ba e ntšang, e ne e le ntho e supang Jesu e le Mohlanka oa Jehova.

⁷¹ Hola feela re ka etsa joalo, ho supa maphelo a rōna. Ua bona, maphelo a rōna a suptjoe e le mohlanka oa Jehova. Libano li ne li boloketsoe morero oo, hoo ho Mo entse Mohlanka oa Jehova.

⁷² Joale, *mirra*, m-y-r-r-h, e ne e le "tlolo ea bafu." Re fumana ho Santa Johanne, khaolo ea 19th, le temana ea 39, tseleng e eang—eang tšebeletsong ea lepato la Jesu, mohla Maria le bao ba tlohang, ba nkile mirra ona ho Mo tlotsa; hobane O tšoanelo ho ba Mohlanka oa lefu ho Jehova. Ua bona? Motho o ne a tlamehe ho shoa. E ne e le tšebeletso e tšoanelang ho etsetsoa Molimo, 'me ho se motho ea nang le tokelo ea ho e phethisa haese Molimo ka Seqo. Ka hona, ho tlisa mirra—mirra, ho supa ka Bomolimo, le ka tšebeletso, O ile a tlotsa hape ka mirra; hore Bomolimo bona bo ne bo tlameha ho bolaoa ho pholosa ea sa phethehang. Oh, ntho e khôlô hakakang!

⁷³ Tlhaho eohle e ne e lahlehile. Re sa tsoa feta ho eona ho Litiiso tse Supileng. Ua bona, tlhaho eohle e ne e lahlehile, ntho eohle e timetse. Ntho eohle e le ea Satane. Ea eba mojalefa oa lona 'me o sa ntse a le ruile. Ehlide o joalo. Ke ka hona re loanang 'me re kene bothateng bona bohle. O laola 'muso o mong le o mong; Satane o etsa joalo. Goromente e mong le e mong, morena e mong le e mong, 'muso o mong le o mong, o laoloa ke Satane. Lefatše lohle lea laoloa 'me le tsamaisoa ke Satane. Ke ka hona re fumanang mathata ao re a fumanang. Moithuti ofe oa Bibele, kapa ntho efe, e ka u bolella hore Satane... Be, Bibele ka Seqo e mo tlalehile joalo, ua bona, ho itsoe o laola lefatše. Empa Kreste e tla ba Mojalefa

oa lona, hobane joale Ke Molopolli oa rōna. 'Me O tlide ho lopolla tlhaho eohle, 'me ha ho letho le neng le ka khona haese Molimo ka Sequo.

⁷⁴ Ke ka hona Molimo a sa etseng letho kantle ho motho. Kamehla O sebetsa ka motho hoba O ne a tlameha ho sebelisa motho. Motho ke seo A neng a tlamehe ho se belisa ho pepesa tholoana ea Hae ea Mopholosi. A lokela ho mo etsa ka setšoantsō sa Hae, ho mo etsa ntho e kang Eèna, oa 'meha ho ikhethela ka bolokolohi oa mo lumella ho itšoara ka tsela efe eo a e batlileng. A ka ikhethela. 'Me O tsebile hore motho eo, ka ho nea khetho ena, o tla oa. Erekaha A ne a tlameha ho etsa joalo, O boela a hlanoha 'me etsa motho mosebetsi-'moho le Eèna, 'me ha A etse letho a sa le etse ka motho!

⁷⁵ Leano lohle la topollo le hlaha ka motho! Alleluia! Lefu le hlahile ka motho oa pele, Bophelo bo tla ka Adama oa bobeli. Ua bona? Ke moo, ha A etse letho hobane O ne a tlameha ho sebelisetsa motho hoo, hape O sebelisa motho ho boela a lopolla hape. Ka hona Bomolimo bo fetoha Jehova, kapa, Jehova be... Ke Bomolimo, 'me O fetoha e—e Ngoana. O tlide ka sebopoho sa sebe, A tle a lopolle moetsalibe. Ua bona, ntho eohle ke eo.

⁷⁶ Joale, shebang eng...kamoo lineo tseo li tšoanelia Jesu Kreste; ua bona, gauta, e buang ka Bomolimo ba Hae. Joale, e ne e se bahetene. Ba ne ba bululetsoe ke Molimo. Ba ne ba sa hakanye ho hong. Hoo ho paka hantle mono, esita le Eabohlale, ba bone Mohlolo. Hobane neo ea bona, eo ba e hlahisitseng, e supile 'me e buile hantle ka bopaki ba bona hore ba hlile ba bone Leseli le Mohlolo. Hobane hobaneng? E bua e phethehile. Ba tlisitse *gauta*, "Bomolimo." Ba tlisitse *libano*, "tšebeletso." 'Me ba tlisitse *mirra*, bakeng sa "lefu" la Hae, mohla E sa le Lesea, amen, ho supa hobane Bomolimo bo tla bolaoa nameng, amen, ho tle ho lopolle motho ea timetseng. Batho ba ka e hanela joang?

⁷⁷ Ha u lemoha: Mona re etsa'ng? Re tsoa kae? Kapa tšoanelia ea rōna ke efe mona? Ha rea behoa mona ka tšohanyetso, re behiloe ka morero mona 'me re tlameha ho phethisa morero oo. Empa re sa khutletse holima motheo oa khetho ea bolokolohi moo re ka E sebeletsang kapa ra E latola, joaloka ha Adama a entse tšimolohong.

⁷⁸ Ke shebile, banana bana mona, Moena...Ke'ng...? Kea kholoa ke leleiti le bapetseng piano, 'me ke—ke ba utloile ha ba bina. Re ne re bua ka bona, tseleng e tlang koano. Ke lelapa le nehetseng bophelo bohole ba bona le sohle ho Kreste. Shebang lelapa leo, kamoo le itšoereng kateng. Sheba banana bao. Ba ne ba eme holimo mona, ke—ke mohlala oa basetsana ba bacha, oa lilemo tsa bocha. 'Me ho sa tsotellehe...

⁷⁹ Liveke tse 'maloa tse fetileng ka theoha joaloka...ha ke tsebe lebitso la tulo eo tlase mono, ke New York joale, ba na le dibloko tsa matlo a dibilitniki feela. Joale, banana bao tlase mono ka—ka dileotade 'me—'me ho se letho haese bikininyana eo ea khale, ha ba e bitsa, holima ntho eo. 'Me, oh, ke feela conglom-...Ba etsa sohle se kelellong ea bona, ho sa tsotellehe seo e leng sona, ke ka hona—ke ka hona e leng bitniki. Ba ka etsa eng feela. Ha ba batla ho robala, ba sa tsohe, ba robala fatše feela 'me ha ba tsohe. Ha ba batla ho tsamaea, ho etsa ho itseng, ba e etsa; haeba ba sa etse, ha ba etse. Feel a, kelello ea bona e farasa feela! 'Me mohopolo o sa sokolohang o finyella eng? Ha u na tokelo ea ho etsa joalo, hobane ha u oa hao; u rekiloc ka Bomolimo, Jesu Kreste, Mora Molimo ea entsoeng nama. Empa, ua bona, pherekano ea sebe!

⁸⁰ 'Me u a bona, banana ba bacha ba emang joalo; khele, ho 'na, ke leseli nakong ea lefifi. Ke leseli le litsenene, matsoelintsoeke a sephali sa Molimo, lipakapakeng ho supa hore Leseli le ka chaba! Ho loka ho ka ba teng hara sebe!

⁸¹ Maria, 'm'a Jesu, motseng oa Nazaretha, motse o khopo ho fetisa naheng, empa teng Molimo oa khetha leleiti ho tsoala Mora oa Hae; seqhotsisi, popelo e neng e tlamehe joalo... Lesea la tlameha ho tsoaloa ke eona. A nka motho ea joalo ho e phethisa. Molimo o sebetsa ka batho ho lopolla batho. A ka u nka, ho u sebelisa ho lopolla bana ba batho, hola feela u ka ineela sohle seo u leng sona ka bottlalo.

⁸² Ha u le mosetsana, hlekela boitšoaro ba hao. U le mohlankana, hlekela boitšoaro ba hao, hlekela monahano oa hao, hlekela mohopolo oa hao, hlekela pelō ea hao, hlekela soulu ea hao, hlekela sohle seo u leng sona! 'Me u lumelle Kreste ho sebetsa ka sona. Ke ntho e tlotloang hakakang! Ha u tšela linoka, u tla—tla parola marogo, u fumana e—u fumana likhoa tsa litšehhlo, u fumana mefero, u fumana meru, u fumana libaka tse lefifi, u fumana maralla a malelele, u tlameha ho hloa holimo. U ntse u etsa'ng? Tsatsi le leng u tla tlameha ho ema u hetla morao, ho bona moo u tsoang teng, 'me u tla ahloloa ka tsela u e nkang. Tsepamisa sohle sa hao—sohle sa hao, kelello ea hao le mehopolo ea hao, holima Naleli eo ea Leboea (setsi sa Molimo) 'me u se suthe ho Eona. Tiisetsha ho Eona. E tla u tsamaisa ka kotloloho joaloka ha E entse ho Eabohlale, ka kotloloho e ntle ho ea ho Kreste.

⁸³ Ho lokile, ho Mo tlola ka mirra. Rea fumana joale, ho Johanne 12:1 le 7, U entse joalo hantle. E ne e le Mohlanka oa Molimo ea phethehileng, le ho Mo tlotsa ka lineo tsohle tsa Hae tse Mokhethoa. O ne a tlotsitsoe ka lineo tsohle tsa Molimo hobane E ne e le Molimo. E ne e le Molimo. Ua bona, *ba ile ba* Mo tlisetsa lineo.

⁸⁴ Joale, re tla . . . e ka re . . . Batho ba mona ka mehla, boholo ba bona, u a tseba, ba u romella nthoana. Joale, empa tabeng ea ho khutlisetsa, ha kea khona. Ua bona? Ke lefatše ka bophara. Ha kea khona ho e phethisa feela. 'Me ke ananela ntho e nyenyane . . . lintho tse nyenyane, le lintho tseo batho ba li etsang ho itlhhalosa le teboho ea bona le joalo-joalo.

⁸⁵ Joale, joale se entsoeng ke banna ba rui leng bana ke sena. Banna bana ke Babohlale, ba rekile gauta, gauta e hloekileng. Ba tlisitse libano, tse khabane tseo ba ka li fumanang. Ba tlisitse mirra, o khabane oo ba ka o fumanang.

⁸⁶ Re elelloa ka mona, ho Santa Johanne 12, re fihlela mosali enoa . . . hola re ka ba le nako ea ho e bala, empa ha ke batle ho le tšoarella halelele, ua bona, kaha ke tseba hosane e le Mantaha, 'me uena . . . bang ba lōna le tlameha ho sebetsa. Shebang, ba tlisitse . . . Mosali enoa—enoa o tlisitse mirra ona, o tlolang ntho e theko e thata, ho tlosa lephoka la lefu. 'Me eaba o manolla lebokose lena la alabastere a e tšela hloohong ea Jesu. 'Me Judase a re, "Khele, se ka be se khethetsoe bafumanehi." (Ha thoe, "Hase hobane a ne a tšotella bafumanehi, feela e ne e le lesholu le ho qaleng, a tšoere chelete.") 'Me ha thoe, "Se ka be se rekitsoe, ho se beela . . ."

⁸⁷ 'Me Jesu o itse, "Mo lese! Hobane o entse hona . . ." O ile a Mo tlotsatsa, kepelo ea Hae. Ua bona? Mosali enoa, tebohong ea libe tsa hae tse tšoaretsoeng 'me a sebelisa chelete ea hae eohle, a nka lebokose la alabastere 'me a le manolla 'me a tšela oli a noka phaposi eohle feela ka mirra ena e monko-monate, o ne a Mo tlotselitse lefu la Hae. Joale, ua bona, a sebetsa a sa tsebe seo a se etsang, empa o ne a leboha Molimo haholo.

⁸⁸ 'Me haeba u lebohela Keresemose hakana, ha se ho re, "Ke—ke fa ba Joneses mpho; 'me le bona ba busetse ho 'na, ke tla sheba seo ke se fumaneng hoseng." Hore'ng u sa bule pelō ea hao 'me ua sheba se kahare ka mono, u fumane seo u se tšoereng ka mona. Le ho amohela . . . haeba re e fihlela e le feela, e tletse melaoana e khopameng feela le—le—le lipelaelo tsa lefatše, hore'ng u sa kope Kreste ho e tlatsa bosiusing bona? Bosiusing bona, u tle u fumane morero o nèpileng oa Keresemose. Ke—ke Kreste ka ho uena; Molimo, ea ahileng ka pelōng ea motho. Ke seo Keresemose ea makhonthe e se bolelang.

⁸⁹ Empa, u a bona, kajeno re khopama hona. Ke diabolosi ea re fetisang mono, (ke mahlakana a ferefiloeng a lipompong tsa k'hendi, le e—le khama le e—le monna ea matšoala, ea fofang sebakeng e ka sefofane, a chakela lefatše lohle le lelapa ka leng a jere hlaba ea likhabulubulu sekotlong sa hae, a chakela ngoana e mong le e mong) athe ke—ke leshano feela! Ke feela, ke leshano, le pala feela. Ua bona? Joale, ua bona? Empa hobaneng? Diabolosi o e entse ho sotha likello tsa batho.

⁹⁰ Lefatše la khoebo le e kenetse 'me bao...Khele, ba etsa ho lekaneng ka Keresemose ba ka iphomolela selemo sohle, mohlolomong. Ke qoqile le mohoebi tsatsi le leng, o itse, "Mphe liveke tse peli, 'me holane ke sa tlamehe ho boloka banna ba ka mona," ho re, "Ke tla emela Keresemose e tlang; nka tloha ka ea tsoma, sohle seo ke batlang ho se etsa, ho fihlela Keresemose e tlang." A re, "Empa ke lebalisa bashanyana feela." Ho re, "Ho ba boloka ho lekaneng mona feela ho lula ke butse khoebo ea ka 'me e khona—e khona ho lefa matsoho a ka le lintho." Ho re, "Ha ke etse letho ho fihlela—ho fihlela sehla sa Keresemose se fihla." Ua bona, e fetohile khoebo ea tonana athe e tlameha e be ho khumama; ho khumama.

⁹¹ Joale, Molimo, o ne a tlotsitse Jesu ka botlalo ba Hae ho fihlela...E ne e le Neo ea Molimo ho lefatše. Banna ba bohlale ba suptjoa ka ho hlaka, hore ba Mo nyehela lineo tsa bona; e supile ba tsebile pelōng tsa bona na e ne e le Mang, le seo A neng a tla ba etsetsa sona. Ka hona (ha ho makatse) ntho ea pele eo ba e entseng, ba itihela fatše, ka bolaoli bo phethehileng, ho Mo khumamela. Le pele ba ka e utloisia, ba itihela fatše 'me ba Mo khumamela eaba ba nehela lineo tsa bona. Keresemose ea makhonthe e tšoaroa joalo: Mo khumamele, u nt oo nehela neo ea hao; ho nehela 'mele oa hao e le sehlabelo se phelang, se halalelang le se amohelehang ho Molimo.

⁹² Empa ua tseba ke'ng, hoba banna ba bohlale ba etse seo? Ntate le 'mè oa Kreste...ntate ea mo holisitseng (ehlile) le 'mè, hobane Molimo e ne e le ntate oa Hae le 'mè 'moho. Empa re ba fumana ba amohetsé lineo tsena tse tsoang ho banna bana ba bohlale. Ha ho makatse ha ba bitsitsoe ba bohlale. Ba ne ba le bohlale. Ruri ba ne ba...ba e na le hlalefo. Hola banna kajeno ba le bohlale hakaalo, bohlale hakaalo! Ho nka monna ea bohlale ho tla ho Kreste. Monna ea Mo furallang ke monna ea seng bohlale. Empa ho nka monna ea bohlale, ho tla ho Kreste.

⁹³ Joale lemoha! 'Me hoba banna ba bohlale ba Mo lemohe seo A tlang ho ba sona, 'me re fumana hohle Lengolong e le sona hantle seo A neng a le sona: Bomolimo bo tšebeletsong ho shoa. Bakeng sa eng? Bomolimo bo tšebeletsong ea Molimo ho shoa. Jesu e ne e le Bomolimo tšebeletsong ea lefu, ho lopolla lefatše. Empa lefatšeng le entse'ng ho Bona? Ba Bo latotse. Ba Bo hanetse. Ho baneng? Ba bang ba bona, karolo e khōlō ea bona, ba entsoe joalo ka baka la sena: hobane O hlile a shoa! Ba itse, "E ke ke ea eba Bomolimo a nt oo shoa." Monna ('mele) e ne e se Bomolimo, empa Bomolimo kahara 'mele. 'Mele ona o tlameha ho timela. Eèna Kreste ea leng ka ho uena ke eona feela ntho e ka u tsosang. Ke Bomolimo, Molimo ka ho uena.

⁹⁴ Joale, lemoha! Joale, ho a tšoana joale, ba latola Bomolimo bo tsebahalitsoeng. Lea e tšoara? Ruri ba tla ngola lebitso la bona bukeng ea kereke 'me ba re, "Ke tla leka ho phela

ka tumeloana ena.” Ba tla hlapanya ka sena. Empa haele ho amohela Bomolimo, le ho boela ba hhalosa eona neo ea khale joaloka bona . . . hore u tsebahatsoa ka neo ea hao, hore u neele boleng bohole ba hao ho Eona, ho Bomolimo bo tsebahalitsoeng. U ntoo itsebahatsa le Bomolimo, ka ho neela sohle seo u leng sona, seo u leng sona, ho Bomolimo ka Seqo.

⁹⁵ Joale, Kreste letsatsing lena, leo re phelang ho lona joale, e sa le Dei- . . . e Itsebisang: Bomolimo, hara batho. E sa le Bomolimo, hobane Ke Lentsoe. ’Me ha re bona Lentsoe le Iphelela, re tseba ho se motho ea ka etsang hoo. Ke Bomolimo, Lentsoe le suptjoang ka motho. ’Me Jesu ka Seqo o itse, “Mora o sitoa ho etsa letho ka Seqo. Ke sitoa ho etsa letho, ke Motho,” Jesu o boletse. “Empa Ntate oa Ka ea ahileng ka ho ’Na, O Mpontša lintho tsohle tseo Eèna a li etsang.” Amen! Ke moo! Ke eng? Bomolimo bo suptjoa ka ho motho. Joale, kajeno ho a tšoana; Bomolimo boo, Lentsoe le baloetsoeng letsatsi lena, le ka Itšupa ka ho uena. Amen! Ka hona Le nehele bohole ba hao. Ho supa hore u a Le lumela. Ho Le nea Bomolimo: ho Le lumela, tšebeletso, ’me u itokisetse ho ichoella bo-ueno le mehopolo ea hao. Empa kajeno Le latoloa joaloka ha Le entsoe mohlang oo.

⁹⁶ Lemoha, Molimo o tataisitse Eabohlale ka lineo tseo. Lilemo tse batileng ho ba peli, ba latetse Naleli eo. Ua bona? ’Me Ea suptjoa e se letho le hlahileng ka tlholeho. Ua bona? Hobane haeba linaleli, ha li fapano liphikolohong tsa tsona, li ile tsa fapano, ho supiloe ho hlahile ntho e fapaneng. Hobane . . . haese ha Eabohlale eo a E bone, khale pele e etsahala, ’me ba tsebile li tla fapano ka tsela eo; ua bona, litseleng tseo li neng li khohlela ho tsona. ’Me li fapano hantle feela Bethlehem nakong eo, ho qala holimo mono, le pele ho moo, ha tsebjoa hoba makhota ana a leholimō a ne a habile nqa eo.

⁹⁷ Joale, Molimo o tsamaisitse Eabohlale hobane ba ne ba tšoere lineo tse loketseng. Molimo o tsamaisitse banna ba bohlale bana kaha ba ne ba tšoere neo e loketseng e supiloeng e tla bonahatsa Mora oa Hae. Oooooh, khili! Lea e tšoara na? Banna ba bohlale kajeno, ba tsohang ka Lebitso la Morena, e seng ka ntho e itseng e mafosisa, empa ka neo eo Molimo a e tsepisitseng letsatsi lena, ’me Molimo o tla u tsamaisa ho supa hore Jesu Kreste ke oa maobane, kajeno, le ka mehla. Ke moo: banna ba bohlale!

⁹⁸ Molimo o tsamaisitse lineo tseo kaha e le lineo tse tlang ho supa Eèna. Banna ba bohlale, kajeno, ba ka shebang hole le bokerekli le lintho tsohle tsa lefatše, nqa Lentsoe le Phelang la Molimo! ’Me Molimo o tla supa Mora oa Hae ka Lentsoe la Hae, hobane Ke seo A leng sona. “’Na le Ntate oa Ka re bang.” ’Me, “Lentsoe le ne le le tšimolohong, ’me Lentsoe le ne le le ho Molimo, ’me Lentsoe e ne e le Molimo. ’Me Lentsoe le ne le etsoe nama ’me la aha hara rōna.” ’Me lona Lentsoe leo kajeno,

ke Oa maobane, kajeno le ka mehla. 'Me monna ea bohlale o sala Hoo morao, hobane E le seo Molimo a se tšoarang ho Itšupa ka Sona. Amen! Neo ea mannate, ea Molimo e supiloeng, Molimo o e tlisa lefatšeng, ho Itšupa ka eona.

⁹⁹ 'Me le Kreste o supiloe joalo: ka gauta, mirra, le libano, ka banna bao ba bapisitseng pele 'me ba supa seo bophelo ba Hae bo tlang ho ba sona ka papiso. Ua bona? Bomolimo bo bonahetse ho sebeletsa, ho shoa hore A lopolle sechaba, hoba O ne a tla "pholosa batho ba Hae sebeng sa bona." E seng ho pholosa lefatše, ho pholosa batho ba Hae sebeng sa *bona*. Bibebe e boletse mona, "Hobane e—e Balichaba ba tla tšepa Lebitso la Hae." Ua bona? Balichaba ba tla tšepa Lebitso la Hae. Amen! Ka mantsoe a mang, Monyaluo, ba *bitsitsoeng* ho Balichaba, ba tla itšepisa ka Lebitso la Jesu Kreste, "Balichaba ba tla tšepa Lebitso la Hae." Joale, Molimo o ba tsamaisitse, hoba ba ne ba...lineo tseo ba neng ba li nehela, li ne li tšoanelo nako eo.

¹⁰⁰ Lemoha! Joaloka ha ke boletse, Molimo o se a...O—O arötse Lentsoe la Hae tšimolohong, ho Genese. Nka tšoara Genese ka le supisa mongoaha o mong le o mong kahara Bibebe, ho fihla mongoaheng ona mona. Mekha eohle le lintho tseo re li fumanang kajeno, nka le bontša hantle moo li hlahileng teng ho Genese. Ua bona?

¹⁰¹ Molimo o abile Lentsoe la Hae hakana *mona*, hakana *mona*, hakana *mona*, ho mongoaha ka mong. Eaba O roma a theola moporofeta, a tlotsitsoe ho phethisa Lentsoe leo, 'me e tšehetsoa. Moporofeta ka mong bophelong ba hae, boleng ba hae, Lentsoe le neng le filoe letsatsi leo, o tlie 'me a phethisa Lentsoe le ngoliloeng leo 'me a lepa seo e mong a tlang ho ba sona. 'Me e mong le e mong oa bona o buile ka Èèna (amen) hobane E ne le bottlalo, E ne e le Hlooho ea baporofeta, E ne e Lentsoe la Molimo, E ne e le baporofeta. Amen! Ke Eo. Lemoha! Ho babatseha hakakang seo A neng a le sona: e mong le e mong oa baporofeta bao.

¹⁰² Eitse ha A fihla, E ne e le bottlalo ba baporofeta bohle, ponahatso; hobane bao e ne e le Lentsoe la Morena, 'me O buile ka Seqo, "Ekare ha le ba bitsa melimo, bao Lentsoe la Molimo le ba fihletseng, le Nqosa ka'ng ha Ke re 'Ke Mora Molimo'?" Ua bona, esita le bao ba mongoaha oo ba bitsitsoe melimo, Molimo o ba bitsitse, ka Seqo, "melimo." E ne e le bomang? Bao e ne e le liponahatso tsa Lentsoe la Hae. 'Me E ne e le enoa, bottlalo ba Lentsoe, Bomolimo bo ahetoeng 'mele, Bomolimo ka nama.

¹⁰³ Sheba! Hobane lineo tsena, tse tlisitsoeng ke banna bana, ba ka be ba sa e tlisetsa moporofeta. E ka be e sa loka. Ua bona? Lineo tseo li ke ke tsa isoa ho Elia, li ke ke tsa isoa ho Moshe, li ne li tlamehile ho tla ho Èèna. 'Me erekha ha lineo

tseo li ne li reretsoe letsatsi leo ka ho tiea, 'me e le ho supa hore E ne e le Mang ka lineo tsena, eaba Molimo o a fihla 'me a Mo sireletsa. Le ho ba baballa, lilemo tse peli tlase mono, ho fihlela ba fumane Leseli le Phethehileng. E loketse hakakang!

¹⁰⁴ Ho a tšoana kajeno. Re fumana batho ba tšepehileng feela, batho ba imametseng, batho ba mankhonthe. Empa, u a bona, tabeng eo, e teng ntho e tla hlaha, eo esale Molimo a e etsa, ho supa letsatsi lena. Lena ke letsatsi leo lintho tsena li boletsoeng ho hlaha ka lona. Ba ke ke ba ba bangata, ho tla bolokeha ba 'maloa haholo feela, 'maloa feela. Bibele e itsalo. E tla ba sehlotšoana feela.

¹⁰⁵ Jesu o buile ka Seqo, "Joaloka matsatsing a Nohe, ha ho bolokehile meeaa e robeli." 'Meea e robeli, ho tsoa e—e molokong o kang ona. "Joaloka matsatsing a Nohe." E ne e le eng? Batho ba baholo, ba rutehileng, basebetsi ba baholo, lihahi tse khōlō, ntho ea bona eohle e le khōlō. Tsoelopele ena ba e bopile ka ho tšoana, ba entse lintho tse khōlō. "Me joaloka matsatsing a Nohe, ho tla ba joalo ho tleng ha Mora Motho." Ua bona? 'Me keha Molimo o bolokile Nohe ho supa Lentsoe la Hae la tšepiso. E ne e tšoaneleha haholo. Areka e ne e tšoanelala Lentsoe la Molimo leo a le buileng, ha thoe O tla timetsa motho. Feel a pholosa seo a se khonneng.

¹⁰⁶ Joale, banna bana ba bohlale, ba tlisang lineo tsa bona, ba ile ba supa. Lineo tsa bona li supile seo E neng e le sona, eaba Molimo o sireletsa lineo tseo khato efe le efe eo ba e nkileng. A E sireletsa ho fihlela ba fihlile ka lineo tseo, kaha li ne li tšoanelala nako eo. Na ebe kereke ea ka e utloisia seo? Ke sona se etsahalang hona joale! Kea kholoa ha e a feta holima hlooho tsa lōna. Ke loketse ho e bua ka litšoantšo, koana, u a bona. Empa na lea bona? Lintho tse etsahalang ke tsona tse tšoanelang letsatsi lena, Laodisea. Ke nako e tšoanelehang, ke ka hona Molimo o ileng oa E sireletsa. Ua bona, ho E fetisa hantle joalo e le ho Itšupa. Lineo, leha koana e qosa lefu, e ba khopile tseleng ea bona. Ke nako e tšoanelehang, ke hantle, e tšoanelala letsatsi. Ke ka hona Molimo a E sirelelitseng, kamoo A entseng. O tla E sireletsa, morero oa Hae o be o phethoe.

¹⁰⁷ Oh, ke balile pale, e fihletse mohopolo oa ka nakoana e fetileng, ea ntho e kang eo. Motseng o moholo, mona sechabeng sena, 'me... New York. E le ka letsatsi le etellang Keresemose pele. 'Me e le lelapeng la bafumanehi. E le ntatenyana oa khale, ea tšoeroeng ke TB, 'me o ne a... le mohatsa'e a tšoeroe ke TB. Ba ne ba tinngoe monyetla. 'Me a—a batla a... A fokola 'me a sa hiroe ke motho. A sa ruteha, 'me a—a... batho ba sa 'matle.

¹⁰⁸ E le mokhesuoa feela, a fetoha lefupatsela la lebaeda. Feelaa... le tseba lefupatsela, le tlohang le—le thonaka ntho e itseng, 'me a e thaottele 'me a thole seo u ka se khonang; moputsonyana oo ba ka o fumanang ka eona, ba leka ho

iphelisa. Feela e...ntho e kang morekisi kapa ho hong, seterateng; ea tlohang ho reka lipelete le linale le dithimbele, le seo ba ka se khonang. 'Me—'me e a nkuoa, 'me—'me mohlomong ka peni a reke pakana, a li rekise ka nikelé; a une lisente tse 'ne ka pakana, 'me mohlomong ka letsatsi. U re, "Eo—eo ke phaello e khōlō." Empa nahana feela, o rekisa eona feela ka letsatsi. A ka etsa disente tse mashome a mabeli, tse mashome a mararō ka letsatsi, 'me a e na le lelapa.

¹⁰⁹ 'Me e—e mohatsa'e e monyenyanane, ea tetemang, a—a shoa.

¹¹⁰ 'Me e le nako ea Keresemose. 'Me ngoanana e monyenyanane, a se a tšoeroe ke...ka baka la phepo e sa lokang, ho se fumane lijo tse loketseng le ntho; a tšoaroa ke TB, le eèna. 'Me e le mothoana feela, lilemo tse ka bang robeli, tse robong, leshome. 'Me a eso fuoe popo ea Keresemose le ka mohla. 'Me o ne a batlike neo, ea popo.

¹¹¹ 'Me ntate, a sa khone ho mo hlokombela ka meriana le joalo-joalo, a se a...a—a bona ngoanana e monyenyanane a monyela kapele, 'me a leka bokhoni ba hae ho—ho—ho—ho fumana chelete e lekaneng ho mo tholla popo ea Keresemose; hola feela a ka fumana e lekaneng ho mo rekela poponyana feela! 'Me nako ea Keresemose e tla fihla, eaba ho fihla maemo a mabe a boso, ngoanana e monyenyanane a tšoaroa ke pneumonia ea mofuta, 'me—'me a shoa, liveke tse 'maloa feela pele ho Keresemose. 'Me ntate, ehlile, a robehile pelō, a tloha a bula lekotikonyana la hae a ntša cheletana. 'Me a nahanne ngoanana oa hae e monyenyanane, 'me a batlike e—e popo joaloka banana ba banyenyanane. Ua bona, e tla ba 'mè oa ka moso.

¹¹² U shebe ngoanana e monyenyanane, o batla popo, hobane o...ke tlhaho ea hae, ke e—ke 'mè oa hosasa. E tla ba 'mè tsatsi le leng haeba a ka phela le ntho eohle. Ua tseba, tlhaho ea hae. Ke ka hona ngoanana e monyenyanane a ratang poponyana, o batla ho e hlokombela; hobane holima tsohle, ke—ke mothoana, khonahalo e teng, ea—ea—ea 'me e monyenyanane.

¹¹³ 'Me o ne a batlike popo e nyenyanane, a eso fumane e 'ngoe le ka mohla. 'Me Daddy a bolokile ntho e 'ngoe le e 'ngoe ea bokhoni ba hae ho—ho mo tholla poponyana. 'Me, eaba, o a shoa.

¹¹⁴ Eaba ntate o lahleheloa ke kelello. Mohatsa'e a nkiloe, ngoanananyana oa hae, eaba kelello ea hae e fihla moo a—a... feela a 'na—a 'na ea betheng bosiu bo bong le bo bong a buisane le ngoanananyana enoa, leha koana a ne a...o ne a patiloe. Empa a hopola a ne—a ne a bua le eèna, a mo joetsa, "Joale, Ratu, ho se ho se hokae, Daddy o tla u tholla popo ena ea Keresemose. 'Me—'me Daddy o u tšepisitse popo, 'me ke—ke tla—ke tla e fumana."

¹¹⁵ Ho feleng, Keresemose ea fihla. 'Me, ehlile, le tseba kamoo ho leng kateng. Barui ka lintho tsa bona—tsa bona tsa dipati

tse khōlō; le—le dikandelare tse tukang, le ka matšoele a maholo likerekeng, ba bua ka Jesu le—le ntho tse joalo (tsona likereke), 'me ba etsa ka mekhoa le dimmisa tsa mefuta eohle, le 'mino, le lifela le ntho eohle. Ba sa tsebe letho ka se etsahalang morao pakeng sa moaho, ka morao ho sena sohle.

¹¹⁶ Thakanyana lena morao mono, eaba o lahleheloa ke kelello. A batlile ho tholla ngoananyana eo popo eo habohloko, kaha a qekile ho fumantšoa poponyana ena. Eaba o tsoa a ea mo rekela poponyana ea masela, e le nthoana—nthoana e itseng, e ka jang disente tse mashome a mararō; a rekile nthoana e litšila, tlase kathoko seterateng. 'Me e le bosiu bo batang kannete, e—e—e meeaa e hlabang e puka, lehloa le khetheha ka matla mono; 'me New York, hantle lebopong.

¹¹⁷ 'Me literata li ntse li hatellana; le batho ka lilo hali tsa bona, makoloihali a dilemosine. Ho makhiloe dipati tsa botahoa, ba tsoile ho noa, ho ketekoa tsoalo ea Kreste le lintho tseo re buang ka tsona bosiung bona, ba leka ho nahana e le mokhoa o lokileng ho e etsa; ho itebatsa mahlomola a bona feela a khale le lintho ka ho noa, 'me ke eona tsela ea ho e etsa. Bao bohle...

¹¹⁸ Tsatsi le leng, kahara levenkele, keha mosali a qoqa ka seo... banana ba babeli ba kopane 'me ba batlile ho tseba seo ba se batletseng daddy oa bona. 'Me e mong oa bona a re, "Be, o..." A mo batletse k'hatono ea disakreste tsa mofuta. 'Me e mong a re o mo fumanetse wiski tse hlano le e—le e—le hlabea ea dikarete. Joale ehlile ke hona ho hlabela sehopotso sa tsoalo ea Morena Jesu Kreste! 'Me ho joalo, ua bona, ke khahlakhahla ea mabenyanee feela. Ha ho Keresemose ea letho ho eona ho hang.

¹¹⁹ 'Me joale re fumana, monnana enoa, eaba o a lahleha. Koana pelōng a tseba hore ngoanananyana oa hae o hlokahetse, empa a tloha a reka popo leha ho le joalo. 'Me a nahana, "Ke tla qala ke tsamaee, ke tla mo fumana kae-kae. O tla be a eme seterateng mona 'me ke tla mo fumana." 'Me a qala a tsamaea.

¹²⁰ A—a ke ke a ithetsa, o ne a le sieo morao mono kahara mokhukhunyana le holima bethenyana, e matamuke, e litšila; empa, o ne a patiloe. Ka hona, o—o tsebile. A hopola a tla mo fumana seterateng. O itse, "Ke tla 'ne ke tsamaee." Eaba o theosa ka diphachisi, nakong eo ba ntseng ba bina lifela tsa bona ba itšoere joalo. A theoha ka phachisi, a sikile nthoana ena, popi e tšila; e suntšoe baking ea hae, holimo holim'a pelō ea hae, a hopotse ngoananyana enoa oa hae.

¹²¹ 'Me qetellong a bonoa ke letseka, 'me letseka le fupile tse 'maloa, eaba le matha le kena phachising le phamola monnamoholo enoa le mo sokolla. La re, "U etsa'ng ha u lika-likia ka mona?"

¹²² A re, "Ke isa popinyana ena, monghali, ho ngoanananyana oa ka."

¹²³ La re, “Be, u lula kae?” ’Me a le bolella moo a lulang teng. La re, “Be, u ea hole le tulo eo, u tahiloe. Khutlela morao ka tsela eane.”

¹²⁴ Ho re, “Monghali, ha kea—ha kea taho. Ke tsepisitse ngoanananyana oa ka hore ke tla—ke tla mo fumanelo neo ea Keresemose.” Le ho re, “Neo e loketseng ngoanana e monyenyanke popi e nyenyane.”

¹²⁵ ’Me la re, “E re ke e bone.” A ’montša nthoana, e tšilanyana, popi ea masela. ’Me a e sikile... sefubeng sa hae, a hamaretse popinyana ena nakong eo a... Ka hona letseka, le batlang le tahiloe, le lona, la mo khothometsa la theosa le ikela. Monnamoholo a theosa ka phachisi, lehloa le khethheha ka potlako.

¹²⁶ ’Me, be, eaba dipati tsa khitla ea bosiu lia khaotsa. Hoseng ho hlahlamang, keha lehloa le khaolitse, letsatsi le chabile. ’Me keha ba tšoanel... batho bohle ba tsoang menyakeng ea bona eohle ea dipati tse khōlō ba... ba roetse metimpata ea leqhoa hloohong tsa bona, ba noele bohlasa ba keteka e—e tsoalo ea Kreste. ’Me—’me bongata bo chele mantsoe ke ho hooletsa le ho itšoara joalo, ka tsohle tse etsahalang.

¹²⁷ Empa tlase phaching, ba fumana monnamoholo. Ha ba mo phethola, o ne a patisitse popinyana pelōng ea hae. Ke kholoa a mo iselitse neo ea hae. O mo fumane Lefatšeng lela e seng le mona. O—o—o ile a fihlisa neo eo. E le neo e loketseng. (Molimo, eba le mohau.) Koana e mo qositse lefu la hae. Ha ho kamoo a beng a ka mo fa neo, o ne a patiloe. Empa mokhoa feela oo a beng a ka e phethisa, e le ho tsamaea joalo. Popinyana e ne e se bohloko a hakaalo, kea kholoa, popinyana e fahleho se tšila, empa e... ebe o entse’ng ka eona? E phethile tsepiso ea hae. Ho sa tsotelle seo batho ba se hopotseng ka eona, matsoho a hae a litšila a tšoere nthoana, ea popi e tšila, empa e—e phethisitse tsepiso ho ngoanananyana oa hae.

¹²⁸ Ka linako tse ling ba sheba Evangelie le ho bina, ho bapala, ha ba E batla mohla Molimo a E tlisitseng, empa e phethile tsepiso e reng O tla fana ka Mora oa Hae. ’Me u a tseba ke’ng? Ba Mo tlohetse ho shoa, le eēna, joaloka lefupatsela seterateng. Ke hantle haholo, ba Mo tlohetse o shoa joaloka lefupatsela seterateng. ’Me kajeno ba Mo tšoara joaloka lefupatsela seterateng, empa O phethile seo A neng a tlamehile ho se etsa. E ne e le Neo eo Molimo a e tsepisitseng lefatše.

¹²⁹ Bosiung bona, ke Mo nke e le ’Moloki oa ka pelōng ea ka. Ke tlohe ke tjamelane le lefu la ka, leha e ka ba eng, ka tsela eo. Ke Mo tsepisitse bophelo ba ka. Ke batla ho bo isa o Eēna. Ho sa natsoe seo ke tlamehang ho se feta, leha nka tlameha ho feta lefung, leha nka tlameha ho thunngoa; ho sa tsotelloe se hlhang, ka tlameha ho jeoa litšeħō, ho bitsoa “lehlanya,”

ntho eohle, ho khaola likerekeng tsohle tsa Bokreste le lintho tse joalo, ke...ke tšoere neo Molimo pelōng ea ka. O e abile, ke batla ho Mo isetsa Eona.

Ha re inamiseng lihlooho tsa rōna nakoana feela.

¹³⁰ Ke bua ka lineo tse loketseng, e ne e le neo e loketseng hobane ngoanana e monyenyan...e ne e le ngoanana e monyenyan, e tla ba, 'mè oa ka moso (e ka be e bile eèna), neo e loketseng e ne e le popi e nyenyane. Neo e loketseng eo Molimo, 'Mopi, a beng a ka e nea tlholeho ea Hae, e ka ba 'Moloki ea e pholosang boemong boo e neng e le ho bona. Kea ipotsa, bosiuung bona, ha re nanarela Keresemose joale, 'me kea kholoa e tla ba molaetsa oa ho qetela oo re o utloang lipakeng tsa joale le Keresemose, ntle leha re ka thola molaetsa oa motho ka radio.

¹³¹ Kea ipotsa, bosiuung bona, haeba re amohetse Neo eo Molimo a re tšepisitseng eona: Bophelo Bosafeleng, ho lumela Kreste le ho amohela Moea o Halalelang. Haeba u eso etse joalo, u batla ho amohela neo ea Molimo ea mannate, ea makoma ea Keresemose, na u ka phahamisa letsoho la hao? Ho re, "Moena Branham, ke-ha ke tsebe, ka linako tse ling ke-ke Le lumetse. 'Me ka beha lintho tseo ke li etsang leihlo. 'Me ke batla, bonnyane, ke belaela ho se hokae." Le se-le se hhole le belaela, metsoalle.

¹³² Ua bona, e-e nako e tsamaile haholo ho belaela joale. Ha re kholiseheng ruri ka eona. Ho re, "Nthapelle, Moena Branham, 'me ke batla ho...Neo ea Molimo ho lefatše, ke Jesu Kreste. Ke-ke-ke batla ena e be Keresemose ea mannate. Ke amohela Moea o Halalelang pelōng ea ka. O tla mphuthela lifefong tsohle tsa bophelo, 'me tsatsi le leng nka kena ka pela Sefahleho sa Hae ka neo ena ea Bophelo Bosafeleng. O tla nkamohela holima metheo eo, O tla e sebetsa joalo feela."

¹³³ Kapa, na u tšoere neo e loketseng bosiu bona? Katamelo ea mofuta o loketseng? "Ntate, ke tla U sala morao hohle moo U eang teng. Sohle seo U se bolelang 'Etsa,' ke tla se etsa. Sohle seo Lentsoe la Hao le mpolellang sona, 'Etsa,' ke tla se etsa. E, Monghali, ha ke tsotelle mang o re'ng, ke tla se etsa hobane ke batla Neo ea Hao; ke Bophelo, 'me Kreste ke Lentsoe."

¹³⁴ Ha u sa khone ho lumela Lentsoe lohle, le ho re, "Be, ha ke tsebe, ha ke-ke lumela seo...sena, ke lumela sane, empa feela nke ke ka ea le sena, nke ke ka ea le sane." U tšoana le ba tlohileng ba le mashome a supileng. Ha ba khone ho amohela Lentsoe lohle le ho amohela Kreste bottlalong ba Bomolimo ba Hae le tšebeletso ea Hae; le ho itokisetza ho ichoella joaloka ha le Eèna a entse bakeng sa hao.

¹³⁵ Ka hona na u ka phahamisa letsoho la hao feela, hlooho ea hao e inamisitsoe, le ho re, "Nthapelle"? Molimo a u hlohonolofatse. 'Me Molimo a u hlohonolofatse. Molimo a u

hlohonolofatse. Molimo a u hlohonolofatse, ngoanananyana. Oh, Molimo a u hlohonolofatse. E, ke bona letsoho la hao. Morena a u hlohonolofatse, ehlile. Neo e nyenyanane ena, ea Kreste, eo Molimo a e romeletseng lefatše; le ho E supa ka...Eabohlale o E supile, Bophelo ba Hae ka Seqo bo E supile, lefu la Hae le E supile, tsoho ea Hae e E supile, kamohelo ea hao e E supile, 'me O Ītšupa 'moho le lōna hore le ba Hae le Eēna ke oa lōna. Haeba u hlile u sa...ua bona, khato ea Moea oa Molimo e sebetsa ka ho uena, sehleng sena sa Keresemose, e tle ho uena joale.

¹³⁶ Ntate oa Leholimō, e re re sa therekesela joaloka lefupatsela la seterata, ho se motho ea mo tsotellang. Lefatše la tsoella hantle ka booatla ba mekete ea lona, ba joalo le bosiung bona, Morena. Empa nako tse ling re ikuatloa joaloka lefupatsela leo, empa re amohetse Neo. Ka hona rea rapela, Ntate, ho re U tla re etsa neo, ea leseli, lefatšeng le shoang lena. Ba bangata mona ba phahamisitse matsoho a bona hore ba batla Neo ea Molimo e neng e Mo tlammé, ka Seqo, ho neela Mora oa Hae ea tšoetoeng a inotši, ho theoha ho fetoha Monna. A kokobela tlase hakana ho fihlela ba sa...O tlide a le tlase 'me a ithobile ho fihlela A—A hloka le bethe ho tsoalloa ho eona. E—e—e khomo ea tlameha ho...kapa pere kapa ntho e 'ngoe ea lokela ho tēla sejelo sa eona, ho emèlla thoko, (phoofofo) batho keha ba kene maemong a makana. A—A theohela kahara e—kahara sejelo, ke setala sa lehahana la khale mosikong oa leralla mono Bethlehem, ke mora sehlola ea theileng motsana oo lilemo tse ngata pele.

¹³⁷ 'Me joale, Morena, re fumana bosiu bo bong, bosiu bo batang, ho itsoe ho Eēna, "Rabbi, re batla ho ea hae le Uena bosiung bona."

¹³⁸ 'Me A re, "Be, joale, linonyana li na le lihlaha, le—le liphokojoe li na le mosima, empa ha Ke—Ke—Ke na le...moo hlooho ea Ka e sameloang." 'Me ba Mo tlohetse a shoa, joaloka lefupatsela la seterata.

¹³⁹ Ntate oa Leholimō, na ebe e—e Mokreste, na batho kajeno ba khona ho bona hore—hore Eo ke Neo e khōlō eo? 'Me ba bangata mona, bosiung bona, ho feta tosene, kea kholoa, ba phahamisitse matsoho a bona hore ba batlide ho amohela Moea o Halalelang. Joaloka banna ba bohlale, phutheho eohle e ke ke ea bona se etsahalang. 'Me Naleli ena, Leseli le semaka lena le haotse holim'a linqalo tsa bona tsa bohlahlobi, ka lilemo tse peli, athe batho ba ne ba bala nako ka litebelo tse 'ne, ba bala nako ka linaleli. Ha ho mang, ha ho ranalane ea ngotseng ka eona. Ha ho a tseba mang ka Eona, feela E ne e le teng mono. 'Me banna ba bohlale bana, ka neo ea bona e tšoanetseng, ba tsamaisitsoe ba fihlisoa ho Eona hantle. Lona Leseli leo le kene pelōng e 'ngoe le e 'ngoe, mona bosiung bona, e lutseng mona joale. Ho ka se hlahe maikutlo, ho ka se etsoe *sena, sane*, 'me

mohlomong ho se be le motho ea e tsebang, joaloka banna ba bohlale feela. Empa ntho e tseteloe hakana ka ho banna bana, basali, lipelōng tsa bashanyana le banana bosiusg bona, hoo Neo eo ea Molimo e tlang ho tlotsa bophelo ba bona. Hore ho qala bosiusg bona ho tsoella, ba tle ba fetoloe. Ha ba sa tla tšoana le mehleng. E tla ba e—e sebopuoa se fetohileng ho qala joale. A bona, joaloka banna ba bohlale, ba khelohele kathoko ba se khutle morao difesheneng tsa lefatše (le Heroda, paleisi ea khosi), “Empa ha ba lemositsoe ke Molimo, ba khelohela kathoko.” Aba sena, Morena.

¹⁴⁰ Bosiusg bona ke rapella monna e mong le e mong ea bohlale, moshanyana, kapa ngoanana, ka mona bosiusg bona... Monna kapa mosali ea hlalefileng ho lekaneng ho khelohela hole le lintho tsa lefatše bosiusg bona, ho se khutle hape mathethong a letsatsi lena. Hoba ho fete letšhare lena—lena le bosiu, ho se hlore ba khutlela linthong tsa lefatše, ba mpe ba be bohlale. ’Me Puo e nyenyane ena e semaka e ba chochileng ho phahamisa letsoho la bona le ho re, “E, ke batla Neo ea Molimo”... Eona ntho e ba chochileng ho phahamisa letsoho la bona, e ba khomahanye le lefu la Hae bosiusg bona, le kepēlo, le tsobo, ka ho ba abela Moea o Halalelang. Ba khelohele kathoko.

¹⁴¹ Basali bana ba mona bosiusg bona, Morena, ba hutseng ka falese ho se ipapise le lintho tsa lefatše; ho holisa moriri oa bona, le ho apara seleiti, le ho hlakola meikapo ena le nyee, boiqapelo bona, taba e supang... e—e ba supa ba sa koena hantle, bao... e teng—e teng phoso. ’Me bosiusg bona, Leseli le semaka lena le lenyenyane, Morena, le ba chochileng ho phahamisa matsoho a bona, ba ke ba re, “Morena, ke kheloha lintho tsa lefatše, bosiusg bona.”

¹⁴² Banna bana ba sa kang ba fumana ntho e—e—e itseng ea makhonthe, ho bua le mafumahali a bona ho ba khelosetsa kathoko; le lintho tseo ba li etsang. Rōna bohole ’moho, Morena, re khelohele ka thoko feela boisiusg bona, re lemositsoe ke Molimo ka molaetsanyana o hlollang oa—oa Leseli la Molimo le chabang holima lipelō tsa rōna. Re ke re khelohe bosiusg bona ’me—’me re U phelele matsatsi ’ohle a ho phela ha rōna, ho ea—ho ea hae le Uena ka tsela ese le eo re e tsamaileng. Aba sena, Morena. Re fetole Bakreste ba ntlaufetseng, Mokreste e mong le e mong mona bosiusg bona, Ntate, ea U amohetseng ’me a U lumela. ’Me ba lekile ho phela bophelo ba Mokreste, empa bosiusg bona, ba ke ba khelohe, ba amohele Neo eo.

¹⁴³ Oho Molimo, ke—ke—ke tsela e khesoang. Basali ba tla bitsoa “sekhale-khale,” ba tla bitsa ntho e ’ngoe le e ’ngoe. ’Me banna ba tla bitsoa “mahlanya.” Empa re—re itokisitse, Morena.

¹⁴⁴ Moea o Halalelang, le faposetse kathoko, hantle hona joale. Mphaposetse kathoko, Morena. Ha ke—ke—ke batle ho nka

tsela efe e tla nkisa hole le Uena. Morena, Ke—ke batla ho nka tsela eo U batlang hore ke e nke. Ke batla hore neo ea pelō ea ka e phethehe hoo e tla bontšahatsa Uena, Morena, holima lefatše, hore ha U a shoa, U a phela.

¹⁴⁵ U Molimo oa ba phelang, e seng Molimo oa bafu. Bafu ba hometsoe hohle ke lintšintsi, le libokoanantši, tse qhotsang likokoanahloko le libokoanantsi tse ling; joaloka monna ea noang khetlo la hae la pele, ho tsuba sakrete sa hae sa pele, o bua leshano la hae la pele, o qhekanyetsa mohatsa'e khetlo la pele; kapa mohatsa'e o qhekanyetsa monna, kapa ho etsa lintho tse phoso; joaloka ntsintsi ha e ba pharumela, 'me e... li—li qhobellana ka... li hatellana li siphoha ka tšila, hobane li holim'a moea o shoeleng kahare. Meea e litšila e runya ho 'ona. 'Me moea o le mong o litšila o mo etsisa ho hong; 'me o mong o a fihla, o mo etsisa ho hong hobane ba entse sena.

¹⁴⁶ Molimo, ba ke ba fapohe 'me ba tle Bophelong. Ba tsohe, 'me Mangeloi a Molimo a theohe ka lineo tsa Bophelo Bosafeleng, Morena, le ho tloha tholong ho ea tlholong. Aba sena, Ntate. Re fapohela kathoko, bosiusing bona, ho tloha linthong tsa lefatše le lipelaelong tsa lefatše, re lemositsoe ke Molimo hore nako e atametse, Jesu o khutlela lefatšeng. 'Me Moea o Moholo o Halalelang a re fe, bosiusing bona, Bophelo Bosafeleng boo re bo batlang. Aba sena, Morena. Re—re rapela feela hore U re fe mahlohonolo ana re sa a kopa ka Lebitso la Jesu Kreste.

Ka lihlooho tsa rōna tse inamisitsoeng:

¹⁴⁷ Banna ba bohlale ba mehleng ba fihlile mono...ba setse Leseli leo morao ho ea fihla ho...ba fumane Leseli le Phethehileng. 'Me Leseli le lenyenyane, bosiusing bona, le u chochileng ho phahamisa letsoho la hao, kapa mohlomong ha u a etsa joalo le hona....E u khahlotse, leha koana u sa phahamisa letsoho la hao, Leseli leo le u tsamaise hantle ho fihla Leseling le Phethehileng leo.

Ha re emeng feela, tšebeletsong ea boineelo bo bonyenyane.

¹⁴⁸ Ha re fetoleng peloana ea rōna mona, bosiusing bona, nqalo ea bolulo ba Kreste. Hopola, bosiusing bona, palenyanā ea ka e hlollang ea lefupatsela. Bosiusing bona, ruri, Jesu Kreste ke lefupatsela leo seterateng. Ke hantle, E—E ne e le lefupatsela seterateng. Oh, yaa, re re, "Rea Mo sebeletsa." Ehlide. Molumo 'ohle le phatsimo, ha se Eēna. Ha se Eēna. O ne a tlamehe ho shoa ho u tlisetsa Neo ena, e seng popi, empa Bophelo. O ne a tlamehe ho shoa ho e phethisa, ho fihla ho uena, A ka u finyella joalo feela. A ke ke a tla koano e be Monna ea phethehileng, ka mokhoa oa Hae, 'me a u finyelle. A ke ke a e phethisa joalo. A tlameha ho shoa ho e phethisa, ho isa—ho isa Neo ea Molimo ho uena. Joaloka e—e lefupatsela ha le tlamehang ho shoa ho isa popi e nyenyane ho

ngooanananyana oa hae, Kreste o ne a tlamehe ho shoa ho isa Molimo ho uena. Re batla ho E amohela bosiung bona. 'Me kea lumela, ka lihlooho tsa rōna tse inamisitoeng, . . . 'me ha re phahamisetseng matsoho a rōna feela ho Molimo 'me re nehele maphelo a rōna bocha, hantle mona bosiung bona.

¹⁴⁹ Oho uena Molimo o Mohau, re—re batla Neo ea Hao. Ke—ke mona, sehleng sena sa Keresemose, Morena, kea lemoha ha ke sheba holim'a lefatše ke bona lerata le phatsimo ea letsatsing lena, ke—ke khona ho bona e . . . kantle koana, joaloka Bibele ha e boletse, mongoaheng ona oa Laodisea, U kantle ho kereke ea Hao. U khesitsoe, o mokhelo kerekeng ea Hao ka Seqo le bathong ba Hao ka Seqo. U a—U a—U a khesoa. E—e mokhelo ke ntho e latoloang, 'me U latoloa kerekeng ea Hao ka Seqo. U latoloa hara batho ba Hao. Ha ba U batle, Morena, 'me ba U hlobohile, joaloka lefupatsela, seterateng. Molimo, U—U—U ile ua tsoelapele, ua shoa leha ho le joalo, hore U tlise Neo ea Molimo ho rōna. 'Me re E amohela ka boikokobetso, Morena. Ke U rapela ho tla tlatsa lipelō tsa rona feela le maphelo. Le ho re faposetsa kathoko, ho qala bosiung bona ho tsoella, 'me re be ba Hao ka botlalo re sa inehela ho Uena.

¹⁵⁰ Nkamohele, Morena. Ke entse liphoso tse ngata tsa bophelo. 'Me, Molimo o ratehang, e re—e re ke—e re ke sa ema mona nqalong e khethhehileng moo Evangelie e boletsoeng 'me re U bone mona, esita le ka mokhoa oa e—e Leseli le leholo le ba khantsitseng. 'Me re leboha hona haholo, Morena. Ke—ke ikhethela Keresemose ena, e seng ka . . . joaloka ha lefatše ha le ka etsa kapa la—kapa la phetla maqephe a macha. Morena, ke—ke batla feela ho amohela Mora oa Hao. Ke—ke batla ho amohela Neo ea Hao, Morena.

¹⁵¹ Ke batla ho amohela Neo ea Bophelo Bosafeleng ka Kreste. 'Me 'na, ruri, Morena, ke amohela Neo ea Kreste, ho leka ho hapela ba bang ho Uena. Molimo, rōna e mong le e mong . . .

¹⁵² Kokobetsa malelapa a be mosa, a tle a khannele ba bang ho Uena. Neo eo U mo neang eona, bosali boo ba leleiti, e be leleiti hoo baahisane ba tla 'mona 'me—'me batle ho tšoana le eëna.

¹⁵³ Etsa monna, mosebeletsi oa levenkele, e ka bang mang, Morena; mo etsetsa bophelo bo ikokobelitseng, joaloka Kreste, hore ba bang ba bone. Ha re tsebe moo batho bao ba emeng teng kantle mono, Ntate, empa le ka mohla ha re batle ho fapoha 'milakhölö o motle oo, oa khale; empa re tla sekamela morao, re tšekalle pele, ho isa letsoho hohle ho hapa moea. Se behe haufi le rōna, Morena, rea rapela. 'Me o re fe e—e—e bophelo bo tla qosa batho hore ba batle ho phela joalo, re sa inehela ho Uena, bosiung bona. Ka Lebitso la Jesu Kreste. Amen.

Joale, haeba le ka inamisa lihlooho tsa lōna hape, ke batla ho lakaletsa e mong le e mong oa lōna Keresemose e monate:

¹⁵⁴ Mpho e khōlō ea Keresemose, Ea pele le eona feela le Ea mantlha le eona feela e leng teng, Jesu Kreste, e nchafatsoe pelōng ea lōna bosiung bona. Moea o Halalelang o tle ho lōna 'me o le nehe lineo tse sebeletsang le lintho tse tsoang ho Molimo, hore lōna...neo e tla le khontša ho phela bophelo bo molemo. Ke seo ke se batlang. Nka mpa ka fumana Bophelo ba Kreste ka ho 'na ho phela ka mosa le ka tlholo ho feta ho fuoa lineo tsohle tsa pholiso, lineo tsa liporofeto, le lineo tseo tsohle tse ling; mphe Jesu feela. Ha nke ke phele Bophelo, Bophelo ke sona seo ke batlang ho se phela. Ke batla ho phela hore ba bang ba tle ba tsebe. Ke eona takatso ea ka—ea ka ea Keresemose, 'me kea rapela ebe takatso ea lōna eo. 'Me ke rapela Molimo ho re fa takatso ea Hae.

¹⁵⁵ Joale, ha re fumaneng lentsoe ho tsoa ho molisa, le ho qhalana. 'Me Molimo a le hlohonolofase. Re tla le bona Laborarō bosiu. Ho fihlela nakong eo, Molimo a le hlohonolofatse. 

*LINEO TSA MOLIMO LI FUMANA
MALULO A TSONA KA MEHLA SST63-1222
(God's Gifts Always Find Their Places)*

Molaetsa wona, ka Moena William Marrion Branham, o reriloe sethatong ka Senyesemane Sontaha mantsiboea, Tšitoe 22, 1963, mane Branham Tabernakale, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org